

四庫全書

史部

欽定四庫全書

史部  
陝西通志卷三

詳校官給事中臣李臺

檢討臣德生覆勘

總校官降調編修臣倉聖脉

校對官編修臣潘庭筠

謄錄監生臣史堂

欽定四庫全書

陝西通志卷三

建置第二

本朝

附釋名

陝西布政司

國初因明之舊左右布政使司領八府一州康熙二年

右布政移治甘省左布政仍駐西安領西延鳳漢

四府興安一州雍正三年改西安府屬商同華耀

乾邠六州延安府屬鄜綏葭三州直隸陝西布政  
司九年又改榆林衛為府共領五府十州治西安  
府釋名陝西宋路名明因以名省蓋取公羊傳自  
陝以西召公主之之義

西安府 明領州六縣三十一

本朝因之又增領衛一雍正二年潼關衛廢三年改商同  
華耀乾邠六州為直隸州撥縣十七分隸之府領  
縣十四釋名西安明府名本元安西路明改西安



府即元安西義

長安 西安府治釋名長安漢縣名秦為長安邑漢  
以名縣三輔黃圖云長安本秦鄉名

咸寧 治府東偏與長安為東西附郭釋名咸寧唐  
縣名本萬年天寶初改咸寧郭子章云蓋取書萬  
國咸寧之義

咸陽 明屬西安府

本朝因之釋名咸陽西魏縣名本周咸陽邑秦自孝公

以下皆都之三輔黃圖云山南曰陽水北曰陽其地在九峻山南渭水北山水皆陽故名咸陽

興平 明屬西安府

本朝因之釋名興平唐縣名至德初置興平軍尋改為縣從軍名也

臨潼 明屬西安府

本朝因之釋名臨潼宋縣名本昭應祥符初避昭應宮名改為臨潼以城西臨潼水為名

高陵 明屬西安府

本朝因之釋名高陵秦縣名孝公置縣後為高陵邑郭  
子章云縣南有奉政原高四五丈高陵之名所由  
昉也

藍田 明屬西安府

本朝因之釋名藍田秦縣名獻公置縣後為藍田邑元  
和志云美玉為藍縣出美玉故曰藍田史記索隱  
云因藍田山為名也

涇陽 明屬西安府

本朝因之釋名涇陽符秦縣名本嬴秦涇陽邑符秦以

名縣

三原 明屬西安府

本朝因之釋名三原後魏縣名元和志云以地有豐原

孟侯白鹿三原也郭子章云以地有東西中三原

也志說非是

鄠 明屬西安府

本朝因之釋名鄠秦縣名古扈國秦改為鄠王伯厚云  
扈鄠一也

藍屋 明屬西安府

本朝因之釋名藍屋漢縣名圖經云山曲曰藍水曲曰  
屋故名

渭南 明屬西安府

本朝因之釋名渭南西魏縣名漢為渭南郡西魏文帝  
以名縣以縣在渭水之南也

富平 明屬西安府

本朝因之釋名富平晉縣名晉徙北地郡富平縣於懷德城用其舊名也

醴泉 明屬西安府

本朝因之釋名醴泉隋縣名元和志云縣有後周醴泉宮因以為名按縣東南有醴泉周以名宮隋以名縣

延安府

國初因明之舊領州三縣十六雍正三年以延安所屬  
州縣山多地廣去府遼遠改廊綏葭三州直隸陝  
西布政司撥八縣分隸三州府領縣八釋名隋延  
安郡宋以名府元和志謂以界內延水為名是也  
膚施 明為延安府附郭  
本朝因之釋名膚施戰國趙邑名秦昭王以名縣在今  
綏德界隋大業初始置於延安界因舊名也

安塞 明隸延安府

本朝因之釋名安塞元縣名本宋安塞堡縣從堡名也  
甘泉 明隸延安府

本朝因之釋名甘泉唐縣名寰宇記云以其泉甘美為  
名縣志云有甘泉在縣南五十里天寶初改縣名  
甘泉因此

安定 明隸延安府

本朝因之釋名安定元縣名本宋安定堡因以名縣

保安 明隸延安府



本朝因之釋名保安元縣名本宋保安軍金以名州元以名縣郭子章云與安塞安定皆取安寧之義

宜川 明隸延安府

本朝因之釋名宜川宋縣名本後魏義川太平興國中改名避太宗匡義諱也

延川 明隸延安府

本朝因之釋名延川隋縣名元和志後魏文安隋改延川以吐延川為名

延長 明隸延安府

本朝因之釋名延長唐縣名延水經延長入河故以名

縣

鳳翔府 明領一州七縣分隸關西道康熙十年裁

隸陝西布政司仍領州一縣七釋名鳳翔唐府名

雍勝畧云至德初置鳳翔府取鳳鳴岐山之義

鳳翔 明為鳳翔府附郭

本朝因之釋名鳳翔唐縣名本雍縣唐改鳳翔義與府

同

岐山 明屬鳳翔府

本朝因之釋名岐山隋縣名明一統志云本後周三龍縣隋移治岐山南遂改為岐山因山名也

寶雞 明隸鳳翔府

本朝因之釋名寶雞唐縣名元和志云乾元初改陳倉為寶雞以昔有陳寶鳴雞之瑞故名之

扶風 明隸鳳翔府

本朝因之釋名扶風唐縣名貞觀初以扶風名縣仍漢  
右扶風名也

郿 明隸鳳翔府

本朝因之釋名郿周邑名秦以名縣毛萇云文公所營  
是也

麟遊 明隸鳳翔府

本朝因之釋名麟遊隋縣名義寧初獲白麟于廢仁壽  
宮因置縣

汧陽 明隸鳳翔府

本朝因之釋名汧陽後周縣名寰宇記云以縣在汧水之陽而名

隴州 明隸鳳翔府

本朝因之釋名隴州西魏州名元和志魏改東秦為隴州因山為名

漢中府 屬陝西布政司府志云明漢中府領州一縣八

本朝因之釋名漢中明府名秦為漢中郡常璩曰郡因水名也明以名府府志云郡臨漢水之陽南面漢山故名漢中

南鄭 明為漢中府附郭

本朝因之釋名南鄭周邑名秦以名縣者舊傳云鄭桓公遺民南奔漢中故以南為稱府志云桓公都鄭其民徙河南者為新鄭奔漢中者為南鄭

褒城 明隸漢中府

本朝因之釋名褒城隋縣名郭子章云周褒國漢置褒  
中縣隋改名褒城

城固 明隸漢中府

本朝因之釋名城固秦縣名方輿勝覽云始城而冀其  
鞏固之意也

西鄉 明隸漢中府

本朝因之釋名西鄉晉縣名寰宇志云蜀南鄉晉改西  
鄉府志云與夔之東鄉對故名

鳳 明隸漢中府

本朝因之釋名鳳明縣名方輿勝覽云鸞鸞嘗鳴於岐  
翔翔至南而集焉是以西岐曰鳳翔南岐曰鳳州  
至明降州為縣因其舊名

寧羌州 明隸漢中府

本朝因之釋名寧羌明州名郭子章云本戰國白馬氏  
東境成化中設寧羌取輯寧氏羌之義

沔 明隸寧羌州後隸漢中府



本朝因之釋名沔明縣名本漢沔陽以沔水為名也元  
自畧陽移沔州來治明降為縣不易其名

畧陽 明隸寧羌州後隸漢中府

本朝因之釋名畧陽宋縣名府志云用武之地曰畧象  
山之南曰陽故以為名按畧陽漢縣也在今鞏昌  
界後魏僞置畧陽郡縣于此趙宋遂以名縣沿漢  
舊也

榆林府 明置榆林衛隸陝西都司

本朝改屬榆林道雍正九年改榆林衛為榆林府隸陝西布政司領縣四釋名榆林府因明榆林衛舊名也本漢榆溪塞水經注所謂諸次水東逕榆林塞是也明因塞置衛遂取名焉

榆林 本明東路雙山堡屬神木道中路常樂保寧歸德魚河四堡屬榆林道

本朝因之雍正九年並五堡置榆林縣為榆林府治釋名榆林縣本榆林堡地義與府同

懷遠 本明中路懷遠波羅響水威武清平五堡屬  
榆林道

本朝因之雍正九年併五堡置懷遠縣屬榆林府釋名  
懷遠本明懷遠堡縣因堡名也

靖邊 本明西路靖邊寧塞鎮羅鎮靖龍州五堡屬  
靖邊道

本朝裁靖邊道改屬榆林道雍正九年併五堡置靖邊  
縣屬榆林府釋名靖邊本明靖邊堡蓋取綏靖邊疆

之意縣因堡名也

定邊 本明西路定邊鹽場磚井安邊柳樹澗五堡屬靖邊道

本朝裁靖邊道屬榆林道雍正九年併五堡置定邊縣屬榆林府釋名定邊本明定邊堡蓋取底定邊疆之意縣因堡名也

興安州 明領六縣隸陝西布政司徒治趙臺山下國初復徙舊城即今治也仍領縣六釋名興安明州名

續通考云明初為金州萬厯十年改興安州因徙置錫佳名也

平利 明隸興安州

本朝因之釋名平利唐縣名舊唐書云後周於平利川置吉陽縣武德初改曰平利縣以川名也

洵陽 明隸興安州

本朝因之釋名洵陽戰國楚邑名寰宇記云漢舊縣以在洵水之陽而名

白河 明隸興安州

本朝因之釋名白河明縣名縣志云成化中置白河堡以白石河為名尋改為縣

紫陽 明隸興安州

本朝因之釋名紫陽明縣名郭子章云正德壬申立紫陽堡癸酉升縣縣南紫陽灘旁有三洞乃紫陽真人所居縣名本此

石泉 明隸興安州

本朝因之釋名石泉西魏縣名寰宇記云以縣北石泉  
為名或云今有石泉在縣治南

漢陰 明隸興安州

本朝因之釋名漢陰唐縣名本漢安陽至德初改漢陰  
縣志云舊治漢江南紹興初徙治新店按水南曰  
陰初治漢南故名漢陰後徙漢北而仍名漢陰者  
襲舊名而誤也

商州 明隸西安府領四縣

國初因之雍正三年升商州直隸陝西布政司仍以四  
縣隸州釋名商州後周州名賈志云商本山名在  
州東南故名按史記殷本紀契封于商商國名也  
周秦為商於地故漢以名縣後周以名州

鎮安 明隸西安府商州

國初因之雍正三年州改直隸鎮安仍屬州釋名鎮安  
明縣名本唐安業縣地景泰初重置更名郭子章  
云縣南門外有鎮安河蓋縣因水名也



雒南 明隸西安府商州

國初因之雍正三年州改直隸洛南仍屬州釋名雒南  
隋縣名橐宇記云開皇初改拒陽為雒南以在洛  
水之南為名明以光宗諱洛改為雒南

山陽 明隸西安府商州

國初因之雍正三年州改直隸山陽仍屬州釋名山陽  
明縣名賈志云以在山之陽故名縣志云在北山  
之南豐水之北故名

商南 明隸西安府商州

國初因之雍正三年州改直隸商南仍屬州釋名商南  
明縣名本後魏南商縣地成化間置縣曰商南郭  
子章云以縣在商州之南也

同州 明隸西安府領縣五

國初因之雍正三年以同州直隸陝西布政司又以同  
之白水割隸耀州州領縣四釋名同西魏州名州  
志云以城南九龍泉九源同流故名按路史云春

秋地圖云同州為郿國則州之名同亦沿國舊名也

朝邑 明隸西安府同州

國初因之雍正三年同州改直隸州朝邑仍屬焉釋名朝邑西魏縣名本南五泉西魏改朝邑元和志云以北據朝坂故以為名

郃陽 明隸西安府同州

國初因之雍正三年同州改直隸州郃陽仍屬焉釋名

郃陽漢縣名本有莘國詩所謂在洽之陽也春秋  
晉為合陽邑漢以名縣水經注云城南有郃水縣  
取名焉

澄城 明隸西安府同州

國初因之雍正三年同州改直隸州澄城仍屬焉釋名  
澄城後魏縣名本春秋北徵地漢置徵縣後魏為  
徵城縣通典云徵澄音相近故名元和志徵澄同  
聲後人誤為澄

韓城 明隸西安府同州

國初因之雍正三年同州改直隸州韓城仍屬焉釋名  
韓城隋縣名本周韓侯國雍勝畧云隋置韓城縣  
以古韓城為名

華州 明隸西安府領縣二

國初因之雍正三年改華州為直隸州仍領縣二五年  
改潼關衛為縣並隸州領縣三釋名華西魏州名  
南有少華山東連大華故州以取名焉

華陰 明隸西安府華州

國初因之雍正三年縣屬直隸華州釋名華陰漢縣名  
本禹貢華陰地寰宇記云漢改華陰以在太華之  
陰故名

蒲城 明隸西安府華州

國初因之雍正三年縣屬直隸華州釋名蒲城西魏縣  
名本南白水西魏改蒲城寰宇記云以縣東故蒲  
城為名也或云以縣東有蒲池即小蒲川

潼關 明設潼關衛隸南京中軍都督府

國初改隸西安府雍正二年裁潼關衛歸併同華等州  
五年以輸納不便照甘省改衛為縣之例設縣專  
理就近屬華州釋名潼關本後漢關名故明以名  
衛

本朝以名縣因關舊名也

耀州 明隸西安府領同官一縣

國初因之雍正三年升耀州為直隸州又撥同州之白

水來隸領縣二釋名耀州唐末李茂貞州名郭子章云州東十五里有鑑山年豐則山中有光耀如鑑州以是名

同官 明隸西安府耀州

國初因之雍正三年州改直隸縣仍屬之釋名同官後周縣名元和志云苻秦於銅官川置銅官護軍後魏改置銅官縣周除金作同縣因川名也

白水 明隸西安府同州



國初因之雍正三年耀州改直隸州以同州白水接壤  
於耀故撥隸焉釋名白水秦縣名雍大記云秦置  
白水縣以縣臨白水也元和志後魏置白水縣南  
臨白水因以為名

乾州 明隸西安府領二縣

國初因之雍正三年以乾州直隸陝西布政司仍領二  
縣釋名乾唐州名乾寧二年置乾州雍大記云在  
長安西北隅故名

武功 明隸西安府乾州

國初因之雍正三年升乾州為直隸州武功仍屬焉釋  
名武功秦縣名元和志云縣境有武功山斜谷水  
亦曰武功水是縣以山水立名也

永壽 明隸西安府乾州

國初因之雍正三年升乾州為直隸州永壽仍屬焉釋  
名永壽唐縣名武德二年於永壽原西置永壽縣  
因原而名

邠州 明邠州隸西安府領三縣

國初因之雍正三年以邠州直隸陝西布政司仍領縣  
三釋名邠唐州名元和志云幽公劉所居之地後  
魏置幽州開元中以幽與幽字相涉改為邠字

三水 明隸西安府邠州

國初因之雍正三年州改直隸三水仍屬馬釋名三水  
後魏縣名漢有三水縣屬安定郡後魏重置於今  
邠州界沿漢舊名也元和志云以縣有羅川谷三

泉並流故以為號

淳化 明隸西安府邠州

國初因之雍正三年州改直隸淳化仍屬焉釋名淳化  
宋縣名縣志云宋太宗改元淳化立縣之始即以  
為名

長武 明隸西安府邠州

國初因之雍正三年州改直隸長武仍屬焉釋名長武  
明縣名縣志云萬厯初置長武縣取縣西長武故

城為名

鄜州 明隸延安府領三縣

國初因之雍正三年以鄜州直隸陝西布政司仍領縣  
三釋名鄜後魏州名本秦鄜衍文公於其地作鄜  
時漢為縣後魏以名州郭子章云以地有鄜水故  
名

洛川 明隸延安府鄜州

國初因之雍正三年州升直隸縣仍屬州釋名洛川後

秦縣名元和志云姚萇置洛川縣以縣界有洛川水為名

中部 明隸延安府鄜州

國初因之雍正三年州升直隸縣仍屬州釋名中部後秦縣名漢渠搜中部都尉治此姚興始置縣從中部都尉之舊也

宜君 明隸延安府鄜州

國初因之雍正三年州升直隸縣仍屬州釋名宜君後

魏縣名符秦置宜君護軍太武改縣地形志云縣有宜君水因取名焉

綏德州 明隸延安府領米脂一縣

國初因之雍正三年以綏德州直隸陝西布政司又撥延安府之清澗縣隸州領縣二釋名綏德金州名本後魏綏州宋為綏德城金升為州因城舊名也

米脂 明隸延安府綏德州

國初因之雍正三年州改直隸縣仍屬焉釋名米脂金

縣名本宋米脂城以地有米脂水沃壤宜粟其米汁浙之如脂故以名城金升為縣因宋舊名也

清澗 明隸延安府

國初因之雍正三年升綏德為直隸州以縣境接壤於州故撥隸焉釋名清澗金縣名本宋清澗城建康初种世衡因寬州舊壘築之賜名清澗以縣西有清澗河也大定末始升為縣

葭州 明隸延安府領三縣



國初因之雍正三年以葭州直隸陝西布政司仍領縣  
三釋名葭金州名以州臨葭蘆川也川在州西五  
里岸多葭蘆故以名州

吳堡 明隸延安府葭州

國初因之雍正三年州改直隸縣仍屬州釋名吳堡金  
縣名本宋吳堡寨縣從寨名也

神木 明隸延安府葭州

國初因之雍正三年州改直隸縣仍屬州釋名神木元

縣名本宋神木寨也郭子章云縣西十五里楊家城內有神松三株枝柯相連故曰神木

府谷 明隸延安府葭州

國初因之雍正三年州改直隸縣仍隸州釋名府谷五代唐縣名文獻通考云唐末置府谷鎮後唐升府谷為縣縣從鎮名也

右

本朝陝西錄司一府五直隸州十州縣共七十三自明

以縣屬於州州縣又均統於府如西安一府所轄至三十有七屬隸太廣化理難周又潼關榆林守土蒞民職同縣府而名仍衛所亦屬未協至

本朝雍正三年法唐虞肇州之典使凡府州縣統轄適均如西安六州延安三州俱改直隸以分蒞諸縣又改潼關衛為縣升榆林衛為府分二十堡為四縣以隸之使一省之中大小相維輕重同得合成運掌之治至郡縣釋名雖無關大體然蓋厓因乎

山水膚施沿乎國邑鳳翔麟遊本乎祥瑞闡釋其義可以考命名所由使覽者不惑故並附見云

夏商

昔顓頊創制九州為雍梁舜分十二州為雍梁豫夏復為九州禹貢曰黑水西河惟雍州東距西河即龍門之河華陽黑水惟梁州孔安國以為東距華山之南通典殷

因於夏無所變改漢書地理志武丁之地西不過氐羌北不

過朔方漢書賈捐之傳

雍州 舜置十二牧雍其一也通典東嶠西漢南商北居

庸四山之所擁翳故曰雍括地志

鎬 帝辛三十六年西伯使世子發營鎬竹書紀年按鎬在長安

西南三十里以下國邑郡縣非更置徙治者其方位遠近不重注

亳 湯起於亳史記六國表契封於商後世遷於亳即西亳

京兆杜縣有亳亭鄭樵通志亳在杜南路史按杜即今咸寧

郢 史記正義周書云惟周王季宅郢郢故城在雍州

咸陽東二十一里周之郢邑也地理通釋按郢一作程辨見程下

畢帝辛六年文王初禰於畢

竹書紀年

畢在咸陽西北

地理

通釋

雞閭

新平地古顓頊之墟里名曰雞閭

晉書符堅載記按新平

今郿州

麗

妣媯氏立治於中皇山之原繼興於麗長安志云

驪山有女媯治處又臨潼東二十四里有故麗城商

酈國

路史按中皇山在平利縣

戲

炎帝後姜姓之國今新豐有戲亭是也

路史按戲亭在臨

潼東南  
三十里

扈

啟與有扈戰於甘之野

尚書序

趙孟曰夏有觀扈

左傳

鄠縣本夏扈國故鄠城在縣北二里

元和志

崇

輿地志鄠縣古崇國也

鄠縣志

夏有扈國商為崇國

通考

商之崇扈今永興鄠北二十里有故城

路史

豐

既伐于崇作邑于豐

詩經大雅

文王伐崇作豐邑自岐

下徙都

史記周本紀

周豐宮文王宮也在鄠縣東三十五

里

括地志按即今秦渡鎮

欽定四庫全書

陝西通志

二十五

甘 在鄂北啟扈戰於此

路史

駱 縣父之國京兆宜壽縣有駱谷故蓋屋地

路史

郝 商郝國太昊弟郝骨氏後右扶風蓋屋也

路史按駱郝

同地但先後異時

橋 姬姓國黃帝子孫守橋山者

路史

按橋山在中部北

翟 帝乙十七年西伯伐翟

竹書紀年

按周時延安以北皆為翟境商末之翟

亦應在其地

西河 后啟征西河

竹書紀年

夏世侯伯有西河國后啟征



之路史 按禹貢西河自龍門以下  
皆是即正義所謂丹同二州也

岐

古有岐伯黃帝至岐見岐伯引戴而歸是也

路史 亶

父自豳遷岐改國號曰周

詩注疏

太王邑岐山之下文

王亦治焉

地理通釋

郿

郿故國黃帝後封在岐山之陽所謂周原膺膺者

玉篇 周文作邑於豐乃分岐邦地為周公旦采地東謂

之周

詩注疏

召 召畿內采地 奭始食於召故曰召公

史記索隱

文王分

岐邦地為召公奭采地西謂之召

詩注疏

程孔氏曰周書稱文王在程作程典皇甫謐云文王

徙宅於程蓋謂此也曹氏曰文王既勝密須度鮮原

於岐山之陽定程邑而都焉

詩地理考

文王城在隴州吳

山廢縣東四十五里

明一統志

按諸志俱謂程即郛合為一處但程在岐陽郛在

咸陽東相去絕遠故分編之

陳倉

渭水東逕陳倉縣西應劭曰黃帝都陳在此營

氏開山圖曰伏羲生成紀徙治陳倉非陳國所建也

水經注

陳黃帝後姬姓國今寶雞故陳倉有陳山

史路

姜炎帝後姜姓國扶風美陽有姜氏城

史路

岐水東逕

姜氏城南為姜水帝王世紀曰炎帝神農氏長於姜

水

水經注

杜夏世侯伯漢杜陽縣地

史路

詩自土沮漆齊詩作自

杜言公劉避狄而來居杜與漆沮之地

詩地  
理考

杜邑在

麟遊縣

麟遊  
縣志

微微商後今岐之郿縣

史路

阮 殷有阮國在岐渭間詩有侵阮徂共之辭通鑑注阮

商諸侯國在岐渭之間氏族畧

莘 莘如姓夏禹後世本啟封支子於莘唐世係表按吳越春秋鯀娶

有莘氏女古已有莘國河水逕郃陽城東故有莘邑為太如之

國詩云在郃之陽又曰纘女維莘謂此也水經注郃陽

南二十里古莘國郡縣志

芮 虞芮質厥成詩經大雅西伯初聽虞芮訟杜預云馮翊

臨晉芮鄉在朝邑西南路史

荼 荼郿也殷時舊姓郤陽郿城是

史路

李氏曰同州郿

谷 詩地  
理考

華 堯觀於華華封人祝之

莊子

有虞氏為豫州之域舜

分十二州豫州華山

通鑑注  
後漢郡國志

按潼關縣古桃林地  
置弘農郡

潼關縣亦  
故弘農地

蕃 渭水東逕巒都城北故潘邑殷契之所居世本曰

契居蕃闕駟曰蕃鄭西今巒城是矣

水經注  
按蕃  
在今華州西

定 定國商後渭水南有定城述征記去潼關三十里

史路

彤 商彤伯地即彤城

歷代紀事年表

鄭縣西有故彤城

華州舊志

按鄭縣即今華州

華原 陰康氏治於華原

路史

按華原今耀州也

陽武 古國有陽武

路史

史記倉頡居陽武在今白水縣

東北十八里陽武村

賈志

彭衙 舊志謂衙在商以老彭封得名

白水縣志

按彭衙在今白水

縣

郇 國名炎帝後姜姓所封帝嚳元妃郇氏女也生棄

為后稷復封於郇

說文

故釐城在武功縣西南二十二

里

括地志

后稷封郇夏支庶受爵曰子國於此

郇縣志

雲陽

雲陽山在馮翊雲陽縣少昊居之

路史

按雲陽在今淳化

甘泉

黃帝接萬靈明廷明廷者甘泉也

史記封禪書

少昊

處甘泉

路史

按甘泉在今淳化

郿

夏郿國在乾之永壽漢之郿縣

路史

豳

禹貢雍州之地周之先公劉所居詩大雅云篤公

劉于豳斯館是也

元和志

古公立薰育侵之乃去豳

史記

周本紀

古豳地在三水縣西南三十里有豳城在龐川

水西蓋公劉之邑豳谷也

案宇記

京依其在京

詩經大雅

京地名鄭箋以京為周地小別名

則京是周所都之邑

詩注疏

按京在今邠州

渠搜河水自朔方東轉逕渠搜故城北禹貢之所云

渠搜矣

水經注

成湯北發渠搜

通鑑外紀

渠搜在廢夏州北

禹貢錐指按渠搜在今懷遠縣東北河套中



朔方 堯舜地不過數千里北朔方朔南暨聲教通帝

乙三年王命南仲城朔方

竹書紀年 按朔方在今靖邊東北

昆夷 夏之衰不窋竄戎狄之間國語幽國西近戎北近

狄

韋昭注

夏桀之亂大夷入居邠岐之間成湯攘而伐

之

後漢書西羌傳 按史記地理圖虞夏以來薰鬻玁狁在黃河北昆夷雖居邠岐終非境土故不入

圖

梁州 梁州東據華山之南

孔氏書傳

華山之南今華陰之

西南上洛漢中洋川安康皆是

鄭樵通志

南鄭縣東南百

八十里有梁山大山四圍其中三十里許甚平或云

古梁州治也

通鑑注

舜置十二州梁州其一也西方金

剛其氣強梁故曰梁

通考

褒

褒夏后氏後夏有褒君

史路

褒國在褒城縣東三里

許駱駝坪

賈志

西分命和仲宅西

書經先典

西國和仲所宅今興元西縣

史路

氏西戎氏羌咸戴舜之功

史記五帝本紀

自彼氏羌莫敢不

來王詩經商頌白馬氏今興武等州地蓋岐隴而南漢川

以北皆氐云

路史鳳沔寧荒地按即

饒世本曰舜居饒內在漢中西城縣或言媯墟在西

北舜所居也

水經注

饒國有虞氏後今西城有姚墟或

謂舜生於此

路史

姚方漢水東逕錫縣故城北又東歷姚方蓋舜後枝

居是處故地留姚稱也

水經注按姚方在今白河縣

金金提國帝堯世有金道華種蘭唐韵云周附庸金

州也

路史 按金州  
即今興安州

錫

商錫國御姓錫時之先今鄆鄉有錫穴

路史 按  
即今白河

縣

上洛

上洛夏氏侯伯商州上洛郡是也

路史

丹

丹水城在商州城南一里呂氏春秋堯有丹水之

戰以服南蠻疑即丹朱所封者

賈志

堯使子朱處於丹

淵為諸侯丹是其國也

漢書律  
志

朱之國今朱虛有丹

山丹水出焉

路史

商 丹水自上洛逕商縣南契始封此魯連子曰在太

華之陽皇甫謐闕駟並以爲上洛郡商縣也

水經注

商

州東八十里商洛縣古之商國

括地志

武關西北一百

二十里有商城謂故邑也

盛弘之  
荊州記

右夏商二代兼及上古錄州二國邑五十四夫塗

山之會萬國雍梁二州封建殆不止此然歷年既

久經史闕如靡究其詳僅錄其可考者著於篇又

如唐之丹虞之饒夏之西商之彭衙間有謂在他

境者然諸說相沿諒非無自疑以傳疑不敢廢也  
故並錄之

周

后稷始封邠公劉徙邑於豳太王徙邑於岐山之陽南

有周原始改號曰周王季徙程按程一作郢文王徙都於豐

成王卜洛邑復還豐鎬世本曰懿王居犬丘平王徙洛

帝王世紀自陝以西召公主之公羊傳成王地西不過氐羌北

不過朔方漢書賈捐之傳高陵以東今馮翊之南境華陰之東

境屬魏雲中五原之境今榆林九原屬趙

通典

雍州 周禮西曰雍州蓋并禹梁州之地周自武王都

於鄠鎬雍州為王畿平王東遷以岐鄠之地賜秦襄

公為秦地

晉書地理志

職方九州周之制也無禹貢之梁

雖無梁州而雍豫之間是也

周禮注

周之九州與禹貢

不同者周都雍不可不廣故合雍梁為一州

地理通釋

鎬 鎬水上承鎬池於昆明池北周武王之所都也詩

云考卜維王宅是鎬京自漢帝穿昆明池於是地基

構淪褫今無可究

水經注

武王自豐徙都鎬是為宗周

今豐水之東長安之南三十里去豐二十五里鎬池

即其故都也

帝王世紀

按元和志謂鎬京在長安西北十八里互異

杜

晉范宣子曰昔勾之祖在周為唐杜氏

左傳

周成王

滅唐遷之於杜為杜伯國

杜預注

杜在長安南十五里

為下杜城

鄭樵通志

樊

仲山甫采今京兆杜陵有樊鄉

路史

按在今咸寧南

芷陽

霸城秦穆公之所築又名芷陽

雍錄

按在今咸寧東



咸陽 成王三十四年雨金於咸陽

竹書紀年

秦孝公作咸

陽徙都之

史記秦本記

咸陽在今縣東二十里

明一統志

畢

富辰曰畢文昭也

左傳

畢國在杜郵西北

杜預注

畢在

咸陽西北畢公高封焉

通典

太丘 渭水東逕槐里縣故城南縣古太丘也周赧王

都之

水經注

太丘邑懿王自鎬徙都

史記索隱

太丘故城在

始平縣東南十里懿王所都

括地志

按懿王徙都太丘或作犬丘悞

驪 戲水東逕驪戎城東春秋晉獻公伐之獲麗姬於

是邑麗戎男國也

水經注

驪戎故城在臨潼縣東三十

五里殷周時麗戎國

雍勝畧

戲

秦厲公十六年補戲城

史記六國表

戲西周地名

史記注

按戲在今臨潼縣東南

櫟陽

秦獻公三年城櫟陽

史記秦本紀

按櫟陽在今臨潼東北

蕞

龐煖入函谷攻秦蕞

史記趙世家

新豐有蕞城

郡國志按蕞

在臨潼東北

鄠

富辰曰鄠文之昭也

左傳

成王十九年黜鄠侯

竹書紀年

豐邑在豐水西鎬京在豐水東相去二十五里

三輔決錄按

周有程邑常武之詩云命程伯休父濮氏曰程畿內邑在豐未詳

崇宣公元年晉欲求成於秦趙穿曰我侵崇秦必救

之吾以求成焉

左傳按崇在鄆縣北

藍田梁惠王三年秦子向為藍田君孟子向之故邑

也

水經注

高陵高陵邑秦昭王母弟高陵君封

路史

湯社寧公二年伐蕩社三年與亳戰亳王奔戎遂滅

蕩社

史記秦本紀

西戎之君曰亳王成湯之後其邑曰蕩

社徐廣曰一作湯

史記注

湯社亳王所居今訛為楊杜

里

馬志

按楊杜在三原北三十里

涇陽 侵鎬及方至於涇陽

詩經小雅

秦昭王弟惲為涇陽

君

史記秦本紀

按詩獵虢虢整居焦獲左傳晉及秦戰于麻隧濟涇及侯麗還國策秦北有甘泉峪口

之固皆鄉聚山藪名故不錄

頻陽 秦厲共公初縣頻陽

史記秦本紀

頻陽故城在富平

縣東北五十五里

馬志

上郡 惠文王十年魏納上郡十五縣

史記秦本紀

綏州春

秋白狄所居戰國屬魏為上郡

元和志

上郡今麟延丹

坊鄜銀夏綏德保安之地

地理通釋按上郡今綏德州

膚施 趙惠文王三年滅中山遷其王於膚施

史記趙世家

膚施在上郡

路史按膚施即上郡治史記所謂十五縣之一也

定陽 魏圍定陽

國策

定水東逕定陽城南

水經注按定陽在今宜

川縣

白翟 武王放逐戎夷涇洛之北名曰荒服晉文公攘

戎翟居於西河園洛之間

史記匈奴傳

白翟及秦同州今

廊坊綏延皆古白翟地

鄭樵通志

園銀州銀川洛水在磚

井堡南梁山下

葭州志

胸衍

平王末岐梁涇漆之北有胸衍戎

史記匈奴傳

鹽州

古戎狄居之即胸衍戎地

括地志

磚井堡鹽州地

延安府志

按在今定邊縣界

雍

秦德公元年初居雍

史記秦本紀

禹貢雍州之域春秋

及戰國為秦都德公初居雍即今天興縣也

元和志

按天

興即今  
鳳翔縣

岐

成王有岐陽之蒐

左傳

懿王十二年翟人侵岐

竹書紀年

岐陽城在岐山縣東五十里

賈志

周

周國在王畿內扶風雍縣

通考

周城在岐山縣西北

十五里

賈志 按左傳注  
周公黑肩米地

召

召畿內米地堯始食於召宣王時召穆公虎其後

也

史記  
索隱

召穆公采地扶風雍縣東南有召亭

杜預左  
氏注

美陽

秦孝公作四十一縣美陽其一也

元和志  
美陽在扶風

北

武功 秦孝公作四十一縣武功其一也在渭水南今

郿縣地是也

元和志

釐 秦孝公作四十一縣釐其一也

元和志

釐今武功故

城是

史記注

號 文王母弟號叔所封是曰西號

輿地記

故號城在陳

倉縣東四十里

括地志

東遷之際自此之上陽為南號

其處者為小號

路史



崩 崩伯綮國穆天子西征至於崩崩伯綮逆天子郭

地記陳倉有崩城宜在此非沛之崩

路史按崩城在今寶雞東

平陽 秦武公有子名白封平陽

史記秦本紀按平陽宜在今寶雞東汧

水北

郿 申伯信邁王餞于郿

詩經大雅

郿在今鳳翔府郿縣

詩注

今郿縣東十五里有故城

郿縣志

汧 魚龍川東逕汧縣故城北史記秦文公東獵汧渭

遂都其地是也

水經注按在今龍州南二里

秦 秦城在隴州南三里秦非子所居

馬志 按元和志作二十五里

漢中郡

秦惠文王二年置郡因水名也

漢中志

南鄭

厲共公二十六年城南鄭

史記秦本紀

南鄭縣故褒

之附庸也周顯王之世蜀有褒漢之地至六國楚人

兼之懷王弱秦畧取焉

水經注

禹貢梁州之域周合梁

於雍職方屬雍州春秋屬秦楚

雍勝畧

褒

周幽王伐有褒

國語

褒國在褒城東二百步褒如所

出

元和志

成固 秦置漢中郡為成固縣始城而冀其鞏固之意

方輿  
勝覽

氐羌 鳳州春秋氐羌所居興州戰國時為白馬氏之

東境

通典 按鳳州今鳳縣興州今畧陽

金 唐韵云周附庸金州也

路史 按金州今興安州又寰宇記謂金州周庸國

括地志亦謂上庸房竹邑及金州皆是第書注疏謂庸在漢江之南宜在今鄖陽界故不錄

西城 秦惠王置西城縣屬漢中郡

興安州志 按即今興安州

洵陽 蘓秦說楚王曰北有洵陽

國策 按即今洵陽縣

錫 古麋國地楚潘崇伐麋至於錫穴

左傳 按錫今白河縣

上洛 楚司馬起豐析臨上洛

左傳

晉烈公二年楚人伐

我南鄙至於上洛

竹書紀年

商州周屬豫州

雍勝畧 按上洛即今商

州

商 商洛縣在商州東本商邑周之商國

史記正義

春秋時

其地屬晉戰國屬秦

通考

楚使子西為商公

左傳

甘茂與

昭魚遇於商於

史記韓世家

商高黃帝昆孫以地得姓成

王時封爵

商州志

菟和 國名紀菟和與陰戎境今上洛有菟和山或云

菟氏

路史按在  
今商州境

習 丹水自商縣東南歷少習出武關楚司馬使謂陰

地之命大夫曰將通於少習以聽命

水經注

習國名傳

有少習

風俗通

武關商州東百八十里少習之墟今有

巡司

商州志

蠻 楚人既克夷虎乃謀北方蠻子赤奔晉陰地

左傳今

鎮安有蠻王砮即曼川古蠻子國

賈志

陰地

楚司馬使謂陰地之命大夫

左傳

商阪在商洛縣

南一百里即晉陰地也

郡縣志

陰戎

周襄王時在河南山北者號曰陰戎河南山北

自今上洛郡以東後韓魏并陰戎滅之

通考

臨晉

魏文侯十六年伐秦築臨晉

史記魏世家

臨晉故城

在同州馮翊縣南二里

正義按馮翊今同州

晉惠公許賂秦

伯列城五南及華山

左傳

夷吾請割晉河西八城謂同

韓等州

史記正義

鄜

出宿于屠

詩經大雅

說文鄜在馮翊鄜陽亭李氏同州

鄜谷鄜今同州

地理通釋

芮桓王十八年秦人納芮伯萬於芮

左傳

朝邑南三十

里有南芮鄉北芮鄉皆古芮伯國

括地志

同 同一作郿春秋地圖謂同州為郿國

路史

洛陰 魏文侯十七年西攻秦至鄭而還築洛陰

史記魏世

家 雒漆水也雒陰城在洛水南

正義

洛陰在同州西

括地

志

王城

秦厲公伐大荔取其王城

史記秦本紀

平王末洛川

有大荔戎

史記匈奴傳

王城在朝邑縣東一里蓋大荔戎

王之城

寰宇記侯于新楚注云新楚宜在今朝邑境

按左傳晉師濟涇而還迂晉

輔氏

秦伐晉次於輔氏晉魏顆敗秦師於輔氏

左傳

氏晉大夫采

史路

輔氏在朝邑縣西北十三里

朝邑縣舊志

合陽

晉攻秦至鄭而還築合陽

史記六國表

合向氏邑向

戍曰合左師今同之郃陽

史路

羈馬

康公六年秦伐晉取羈馬

史記秦本紀

晉邑也

服虔注



羈馬在郃陽縣東北二十里

元和志

剗首 晉敗秦師於令狐至於剗首

左傳

剗首在郃陽縣

東

馮志

元里 晉文侯十六年伐秦築元里

史記六國表

元里故城

在澄城縣南十五里

賈志

王官 王官城在澄城縣西北六十里左傳秦伐晉取

王官即此先言渡河史文倒耳

括地志

王官故城在澄

城縣西北四十里

馬志

按同州志謂王官在今河東但以地界考之西北六十里尚

在縣境

南郊 故城在澄城縣西北七十里又有北郊西郊皆

即孟明伐晉所取

括地志

新城 晉伐秦圍新城

左傳

新城在澄城縣東北二十里

澄城縣新志

邠 晉伐秦圍邠

左傳

邠秦邑名

廣韻 按邠宜在今同州境

北徵 秦伐晉取北徵

左傳

徵城縣西南二十五里有北

徵城今名避難堡

同州志

杜平

秦孝公與魏惠王會杜平

史記秦本紀

杜平在同州

澄城縣界

正義按在縣南

梁

夷吾將奔翟冀芮曰不如走梁梁近於秦

史記晉世家

梁國在馮翊夏陽

史記索隱

魏文侯六年城少梁

史記魏世家

本梁國為秦所滅

師古注

同州韓城縣南二十二里為

少梁故城古梁國

括地志

韓

溥彼韓城

詩經大雅

韓武之穆也

左傳

韓城在今縣南十

八里古韓國也

括地志

夏陽西南有韓原韓武子采邑

博物志

同之韓城南十八里有故韓城韓原也一日宗

丘與臨晉近謂之少梁

路史按韓原即古韓國少梁即古梁國俱在韓城縣南

是韓梁本同一地但先後異名耳

繁龐 魏文侯十二年公子擊圍繁龐秦厲公十六年

補龐城

史記六國表

龐城在韓城縣東南

韓城縣志

籍姑

秦靈公十年城籍姑

史記六國年表

籍姑在同州韓城

縣北

正義

籍姑在韓城縣北三十五里

明一統志

鄭 鄭豫州之域

張士佩雍韓考

鄭桓公為周司徒采地咸林

國語 渭水逕鄭縣故城北桓公友之故邑也水經注古鄭

城在華州鄭縣東北二里

郡縣志 按摯天子傳云天子入於南鄭郭璞注今

京兆鄭縣也不解鄭縣何以亦名南鄭竟與漢中同名耶

拾系本桓公居棧林一作咸林徙拾皆古地名自封桓公

乃名為鄭

宋東注

華州東有拾村里今俗訛為石

華州新志

棧林 晉會諸侯伐秦渡涇至棧林還

史記秦本紀按諸說俱謂棧

林即桓公采地在今華州第觀史記渡涇之文則棧林在涇水南似別為一地桓公采地乃咸林也

武城 文公八年秦伐晉取武城

史記秦本紀

武城一名武

平城在鄭縣東北十五里

括地志

陰晉

職方氏豫州其鎮華山注在華陰

周禮注疏按華陰周為

豫州域

魏文侯三十六年秦侵我陰晉

史記魏世家

華陰縣

在州東南六十里縣東南五里有古城即六國時陰

晉也

寰宇記

華陰分秦晉之界邊晉之西則曰陰晉

續通

典

彤

惠王十三年與秦會彤

史記魏世家

彤周彤伯所封國

於王畿之內其地在京兆鄭縣界

胡氏鑑注

華州西有故

彤城

華州舊志

重泉

簡公七年塹洛城重泉

史記六國年表

重泉城在蒲城

縣南四十五里

明一統志

條

史記晉世家晉穆侯七年伐條杜預曰條晉地今

朝邑西南有懷德故城即條近焉

宋敏求長安志

賈

桓公九年賈伯伐曲沃

左傳

蒲城縣有賈城即古賈

國

寰宇記

賈城在蒲城縣西南十八里

宋敏求長安志

今其地

名賈曲

雍勝畧

彭衙

文公二年秦及晉師戰於彭衙

左傳

彭衙故城在

白水縣東北六十里

括地志

汪

晉伐秦取汪城

左傳

同之白水有汪城在臨晉東晉

文二年晉伐秦取汪即此

史路

申

釐亭在武功縣西南三十里周為申伯封國

賈志按

詩宣王封申伯於謝

此或為畿內采地

羌

周羌侯國今武功縣界有羌陽故城

史路

邠

爾雅四極西至於邠國

地理通釋

邠國即今邠州按



枸 三輔圖郿邑城在三水治東二十五里周文王第

十七子封郿侯詩稱郿伯是也

三水縣志

郿之三水東北

二十五里枸邑原上有郿城周鼎銘云王命尸臣官

此枸邑者班固以為文昭元和志從之非也

史路

義渠 周襄王時秦晉自瓜州遷允姓之戎於渭汭水

口曰汭今新平彭原間一云汭在新平宜祿縣

通義考

渠城古義渠王國在宜祿鎮北

方輿勝覽宜祿即今長武

按

雕陰 襄王五年秦敗龍賈於雕陰

史記世家

魏雕陰故城

在洛交縣北二十里

括地志

雕陰廢縣在甘泉縣南二

十里

賈志

渠搜

周之成康北發渠搜

漢書武帝本紀

按渠搜在今懷遠縣北河套中

朔方

朔方近獫狁之國也

毛氏詩傳

什賁故城在朔方縣

治北即朔方縣之故城

元和志

河水東逕朔方縣故城

東北詩所謂城彼朔方也

水經注

按朔方在今靖邊縣北河套中

九原

魏襄王十七年命大夫奴遷於九原

竹書紀年

趙主

父西北畧地欲從雲中九原直南襲秦

史記趙世家按九原在

今懷遠縣  
北河套中

固陽

魏惠十九年圍長城塞固陽

史記六國表按固陽在府谷東北

北河

榆中 趙武靈王二十年西畧地至榆中

史記趙世家 榆中

勝州所治榆林縣是

括地志按榆中在今府谷東北河套中他若獫狁犬戎

雖時侵據境土終無常所故不錄

右周雍州錄國三十一郡二縣邑六十二夫周宅

鎬京五等頒爵九服畫壤畿內之地建國食米諒

必倍於他州逮東遷以後嬴秦踞其西垂韓魏剖其東偏更有大荔驪戎等盤處乎涇漆河渭之間文武之遺封遂不可復識矣今從周禮職方左氏內外傳等書掇拾其餘聊存千百之十一以見西周之制云

秦

非子封為附庸邑於秦谷襄公賜受邠鄠之地穆公稱伯以河為竟惠公得上郡西河昭王開巴蜀政并六國

故秦地於禹貢跨雍梁二州

漢地理志

項籍滅秦分其地為

三以章邯為雍王都廢丘司馬欣為塞王都櫟陽董翳為

翟王都高奴謂之三秦

元和郡國志

內史 秦京師為內史

漢地理志

秦改立郡縣而京畿所統

特號內史言其在內以別於諸郡守

師古注

秦內史兼

治漢三輔地三十六郡內史其一也

通鑑注

今京兆華

陰馮翊扶風汧陽新平及梁州之域上洛地皆是

鄭樵

通志孝公十一年并諸小鄉聚集為大縣四十一縣

史記

秦本紀

咸陽 渭水東北逕渭城南文穎以為故咸陽秦獻公

都櫟陽至孝公作咸陽而徙都之水經注孝公十二年

於渭北城咸陽至始皇並都之元和志孝公咸陽今渭

城是始皇都咸陽今城南大城是關中志

景陵 曹參取咸陽將兵守景陵史記曹相國世家景陵縣名

正義在咸陽通鑑注按是時司馬欣尚據櫟陽曹參守景陵宜在今咸陽縣東又史記白起傳

云武安君出咸陽西門十里至杜郵馬志云杜郵在今咸陽東五里按杜郵似鄉聚非縣邑名故附錄於

此

長安 始皇八年弟長安君將兵擊趙

史記秦始皇本紀

長安

本秦舊縣楚懷王封項羽為長安侯

元和志

長安本秦

鄉名

三輔黃圖

杜陵西北有杜縣故城秦武公十一年縣之

水經注

周杜伯國秦武公滅為縣

雍錄

芷陽 霸水歷白鹿原東霸城之西故芷陽矣

水經注

霸

城秦穆公所築又名芷陽

雍錄

霸城在府東二十五里

明一  
統志

樊鄉

樊噲灌廢丘最賜食邑杜之樊鄉

史記樊噲傳

杜陵

有樊鄉

索隱

廢丘

孟康曰縣名

索隱

古太丘邑也秦以為廢丘亦曰

舒丘

水經注

項王立章邯為雍王都廢丘

史記項羽本紀按史記

非子居犬丘徐廣曰今槐里也然觀宣王時莊公伐西戎破之及其先大駱地犬丘並有之為西垂大夫

則犬丘似在西垂非懿王之所都也

槐里

樊噲擊章邯下槐里摧廢丘

史記樊噲傳

章邯都廢



丘居槐里

水經注槐里故城

按橐宇記興平西二十五里有魏真君徙槐里縣於槐里故

城即此疑即秦槐里所在

柳中樊噲攻趙賁下槐里柳中咸陽

史記樊噲傳按噲攻賁自西

而東柳中宜在槐里之東咸陽之西似亦秦縣邑名

櫟陽白渠枝渠東逕櫟陽城北史記獻公二年城

櫟陽自雍徙居之

水經注

項王三分關中王秦降將

長史欣為塞王都櫟陽

史記項羽本紀

櫟陽故城在櫟陽縣

東北二十五里

括地志

麗

始皇十六年魏獻地於秦秦置麗邑

史記秦始  
皇本紀

戲

水自麗山北逕驪戎城東春秋晉獻公伐之秦之麗

邑矣

水經注

京兆新豐秦之驪邑

漢地  
理志

蕞

龐煖入函谷攻秦蕞

史記趙  
世家

新豐有蕞城

郡國志  
按蕞

城在臨  
潼東北

戲

二世二年陳涉遣周章西至戲

史記秦始  
皇本紀

蕞林曰

戲邑名在新豐東南三十里今戲亭是也

水經注

高陵

高陵邑秦昭王弟高陵君封今屬京兆

路史

高陵

本秦舊縣孝公置

元和志

鄠 扈秦改鄠邑故鄠城在縣北二里

元和志

豐 襄公元年以女弟繆嬴為豐王妻

史記秦本紀

地在豐

水西

史路

藍田 獻公六年初縣藍田

史記六國表

藍田縣本秦孝公

置

漢書地理志

藍田故城在縣西三十里

宋敏求長安志

涇陽

涇陽本秦舊縣地昭王弟封涇陽君即此漢涇

陽縣在平涼郡界

通典

池陽

周繆還定三秦賜食邑池陽

史記周繆傳

雍州涇陽

縣西北三里池陽故地

史記正義  
帝四年置此

按漢池陽係惠  
尚因秦舊縣

湯社

始皇為湯社屬北地郡

三原縣志  
公滅湯社在今三原境

按史記寧

或始皇  
置縣

樗里

樗里疾秦昭王之弟也室在昭王廟西渭南陰

鄉故俗謂之樗里子

史記樗里子傳

嬴姓國有樗里今渭南

陽鄉

路史

下邳

渭水東逕下邳縣故城南秦伐邾置邾戎於此

有上邽故加下也

水經注

在渭南五十里

渭南縣志

頻陽

頻陽山在富平縣東北七十里秦厲公於山南

立頻陽縣今故城在焉

雍錄

頻陽故城在富平縣東北

五十五里

賈志

鄭

渭水東逕鄭故城北武公十一年縣之桓公友之

故邑也

水經注

古鄭城在鄭縣理北三里

元和志

武城

孝公十九年城武城

史記六國表

在華州鄭縣東十

三里

正義

彤 六國表商君反死彤地在鄭縣界

通鑑注

鄭西有故

彤城

華州舊志

寧秦

渭水逕華陰故城北春秋之陰晉也秦惠王五

年改曰寧秦

水經注

按呂氏春秋九藪云秦之陽華晉地道記曰潼關是也又胡氏鑑注

云晉桃林之塞秦陽華是也即今潼關縣地

重泉

在蒲城南五十里秦簡公置

西安府志

重泉故城在

蒲城縣東南四十五里

括地志

臨晉

本大荔戎國秦獲之更名臨晉

元和志

在朝邑縣

西南二里秦築壘以臨晉國

縣道記

合陽

孝公二十四年秦大荔圍合陽

史記六國表

北徵

秦公子鍼桓公之子景公之弟食邑北徵

邑志按

即今澄城

杜平

孝公七年與魏王會杜平

史記六國表

灌嬰下櫟陽

賜爵列侯食杜平鄉

史記灌嬰傳

杜平在今澄城

賈志按在澄

城南縣

懷德

渭水之北沙苑之南即懷德縣故城也世謂之

高陽城非矣

水經注

懷德故城在朝邑縣西南四十二

里

寰宇記

朝邑西南有懷德城秦邑也高祖還定三秦

賜周勃食邑懷德

同州志

夏陽

渭水東南逕夏陽故城北少梁也秦惠王十一

年更從今名矣

水經注

夏陽故城在韓城縣南二十里

芝川鎮北基址猶存曰西少梁里

韓城縣志

衙

羸姓國有衙同之白水東北六十里彭衙故城是

也穆公子采

路史



白水 文公分清水為白水即此通典秦置白水縣以縣

臨白水也郡縣釋名

汪 秦邑同之白水有汪城在臨晉東路史

雍 秦德公既立卜居雍後子孫飲馬於河遂都雍史記

封禪書德公自汧徙雍三輔黃圖周為召穆公采秦置雍縣

郡縣釋名雍故城在雍縣南七里括地志

虢 秦武公十一年滅小虢史記秦本紀桃虢城在寶雞縣

東六十里秦武公滅虢為縣謂之小虢西虢城相去

十里

賈志

陳倉

陳倉縣秦文公所築因山為名有上下二城上

城文公築

元和志

陳倉城在寶雞東二十里雞爪峰下

賈志

美陽

孝公作四十一縣美陽其一也

元和志

美陽秦縣

在扶風縣北二十五里今為崇正鎮

扶風縣志

按長安志謂美陽

在武功西七里此乃後魏徙置非秦漢舊縣

郿

郿縣秦文公所營

毛萇詩傳

郿本秦縣今縣東十五里

有故城

元和志

杜陽 蘓代說秦王封小令尹以杜陽國杜水東逕杜

陽故城北世謂之故縣川

水經注 按 在今麟遊縣

汧 文公居西垂宮東獵至汧渭之會曰昔周邑我先

秦嬴於此後卒為諸侯乃卜居占曰吉即營邑之史記

秦本紀

世紀襄公徙汧故城在今隴州南二里

詩注 疏

秦 秦城在隴州東南二十五里秦非子養馬汧渭之

間有功周孝王命為大夫

元和志

平陽 汧水歷慈山東南逕郁夷縣逕平陽縣故城南

史記秦寧公二年徙平陽徐廣曰故郿之平陽亭也

水經注

平陽在郿縣西北徙自寧公

郿縣志

按今郿縣非汧水所經平

陽似不在郿境九域志號縣有平陽鎮宜在今寶雞界

好時 漢高帝元年章邯迎擊漢兵於陳倉止戰好時

史記高帝本紀

好時在乾州東七里好時縣故城

雍勝畧

壤鄉

曹參圍好時取壤鄉

史記曹世家

壤鄉今在雍州

武功縣東二十里高壤坊是

史記正義

高櫟

曹參擊三秦軍壤東及高櫟破之

史記曹相國世家

皆

邑名高櫟近壤鄉

史記正義

釐樊噲攻雍釐

史記樊噲傳

即后稷所封今武功故城是

史記注

武功孝公作四十一縣釐武功在渭水南今郿縣地

有武功山斜谷水亦曰武功水縣以山水立名

元和志

漆漢王元年周勃北攻漆

史記周勃傳

幽州新平縣古漆

縣

史記正義

拘邑漢初酈商破周類軍於拘邑

史記周類傳

在幽州

史記

索隱 按柵邑即  
今邠州三水縣

雲陽 始皇使蒙恬除道道九原抵雲陽又徙五萬家於

雲陽

史記秦始皇本紀

雲陽城在雲陽縣西北六十里

續通典

按即今淳化縣

鶉觚 秦使蒙恬築城至此以觚奠祭乃有鶉鳥集其

上以為靈遂名其縣

周地圖記

離長武縣四十里

鶉觚縣碑記

按鶉觚秦屬北地郡

商 秦內史南境今上洛郡

通考 衛鞅既破魏秦封之於

商十五邑號為商君

史記商君傳

商秦相衛鞅邑

漢書地理志

按商在今

商州東

華陽

門水東北歷華陽之山即華陽也

通鑑注

秦魏冉

同父弟芊戎封華陽君即此

維南縣舊志按在今維南縣

按

上郡

始皇使蒙恬築長城居上郡

史記始皇本紀

上郡雍州

之域今洛交中部延安咸寧上郡銀川新秦朔方等

郡皆是

鄭樵通志

膚施

奢延水逕膚施縣南秦昭王三年置上郡治

水經

注上郡故城在綏州上縣東南五十里即膚施縣地

括地志膚施縣趙置秦因而不改今屬延州史記正義

高奴 清水東逕高奴縣項羽封董翳為翟王都之水經

注董翳都高奴即金明縣是也通鑑即膚施縣金明

砦地雍勝畧按此膚施今延安府治非秦之膚施也

雕陰 魏襄王二年秦取我雕陰史記六國表高帝初傳寬

從定三秦賜食邑雕陰漢書傳雕陰邑戰國屬魏後

屬秦綱目

注



郿 文公十年初為郿時史記秦本紀縣名於郿地作時故

曰郿時

索隱

陽周 蒙恬繫諸陽周史記蒙恬傳走馬水出長城北陽周

縣故城南橋山二世賜蒙恬死於此水經注按陽周在今安定縣

界

漢中郡 周赧王二年秦攻楚漢中取地六百里置漢

中郡

史記楚世家

古漢中郡城在今南鄭縣東二里許即

秦厲公所築

輿地紀勝

漢中梁州之域今漢中洋川安康

郡皆是

鄭樵通志

南鄭 厲共公二十六年城南鄭

史記秦本紀

項王立沛公

為漢王王漢中都南鄭

史記項羽本紀

褒 漢高祖為漢王張良送至褒中

史記高帝紀

即梁州之

褒縣也舊曰褒中

師古注

在褒城縣南十里打鐘壩村

置縣自秦始

賈志

城固 秦置漢中郡為城固縣蓋始城而冀其鞏固之

意

方輿勝覽

春秋為楚地秦為城固縣

城固縣志

西城 秦惠王置漢中郡金州即漢中之西城縣也雍大

記 秦惠王始置西城縣屬漢中郡今西城山下即故

址也興安州志 按興安州南三里有西城廢縣

洵陽 蘓秦說楚王曰北有洵陽國策酈商攻洵關定漢

中史記酈商傳 洵關即漢中洵陽史記注 按即今洵陽縣

故道 故道屬隴西郡通典漢王從故道還襲雍王章邯

史記高帝本紀 武都有故道縣漢書地理志 鳳州春秋氏羌之所

居秦屬隴西郡通典按畧陽縣秦蜀郡地寧羌秦蜀郡葭萌縣地

九原郡 河水東逕九原縣故城南秦置九原郡治此

水經注

中受降城本秦九原郡

元和志 按九原在今榆林府東北河套中括

地志云勝州連各縣本秦九原郡

新秦 秦使蒙恬收河南地因河為塞築四十四縣

史記

匈奴傳

秦逐匈奴收河南地徙民以實之謂新秦

水經注

今夏勝等州秦畧取之

史記正義

榆中 始皇三十六年遷北河榆中三萬家

史記始北

河勝州也榆中即今勝州榆林縣

正義

按榆中在今府谷東北河套

中

固陽

秦孝公十一年魏鞅圍固陽降之

史記六國表

河水

東逕桐陽故城南

水經注府谷東北

按固陽在今河北一作桐

北假

蒙恬度河據陽山北假中

史記匈奴傳

北假在河北

禹貢錐指

臨河

河水東逕高關南又東逕臨河縣故城北

水經注

延水縣本秦臨河縣地

元和志關東逕臨

按水經注河自高關北高關在今

榆林府西北黃河北臨河縣即在其南岸去延水縣絕遠元和志誤

右秦世都關中錄郡四縣邑七十四夫郡縣之制  
始於秦而龍門不載其沿革蓋畧之也惟范蔚宗  
云秦內史武帝改其四縣是漢制即秦之舊規也  
況廢封建為郡縣後世咸因之則建置亦不可不  
詳故並著於篇

漢

秦罷侯置守漢郡縣之制無改於秦昭宣之後郡縣亦

有增損

隋書地理志

漢以秦地太大更加置郡國

鄭樵通志

京兆尹 故秦內史高帝二年更為渭南郡九年罷復

為內史武帝建元六年分為右內史太初元年更為

京兆尹縣十二

漢書地理志 除湖縣在河南界外增邑國二

太初元年以

長安以東為京兆尹長陵以北為左馮翊渭城以西

屬右扶風以輔京師謂之三輔又三輔共治長安城

中三輔黃圖

平帝元始四年分京兆置前輝光後承烈二

郡

漢書平帝本紀

前輝光領長安以南諸縣後承烈領長安

以北諸縣

通鑑注

司隸校尉部武帝征和四年置察三

輔弘農

漢書武帝本紀

元帝永始四年諸陵分屬三輔

漢書元帝

本紀先是諸陵總屬太常今各因其地界屬三輔

師古注

按景帝時晁錯為左內史又武帝紀建元三年詔左右內史是內史之分非自建元六年始也漢書百官表云景帝二年分置左內史右內史

長安 高帝五年置

漢地理志

七年自櫟陽徙都長安

史記高帝

本紀高帝始都長安實曰西京

三輔黃圖

渭水逕長安城北

漢惠帝元年築六年成即咸陽也秦離宮無城故城

之王莽更曰常安

水經注

長安故城在長安縣西北二



十里漢之舊都

括地志

新豐

高帝十年更名酈邑曰新豐

漢書高帝本紀

池水逕新

豐縣故城東故麗戎地高帝王關中太上皇思東歸

故象舊里制茲新邑名為新豐

水經注

新豐故城在昭

應縣東十八里漢新豐城也

元和志云漢以渭南置密時縣

按渭南縣志

隸京兆尹建武中省

入新豐舊史失傳

昌陵

鴻嘉元年於新豐戲鄉為昌陵縣以奉初陵永

始元年罷

關中記

昌陵在霸城東二十里

水經注

船司空 地理志曰渭水東至船司空入河服虔曰縣

名都官三輔黃圖有船庫官後改為縣王莽之船利

也

水經注

船司空後省入華陰

鄭樵通志

船司空故縣在華

陰縣東北十五里

通典

藍田 秦孝公置漢因之

賈志

華陰 秦寧秦高帝八年更名華陰

漢書地理志

渭水逕華

陰故城北王莽之華疆也

水經注

鄭 本秦舊縣漢屬京兆

元和志

鄭縣故城在鄭縣北二

里

括地志 按  
鄭縣今華州

塞

塞侯直不疑

史記直不疑傳

塞國名今桃林塞

史記桃林索隱

桃林

縣以西至潼關皆桃林塞

史記正義  
按塞國後廢

下邳

本秦舊縣屬京兆

元和志

南陵

文帝七年置

漢書地理志

平帝四年罷南陵為縣

漢書

平帝本紀

南陵故城在萬年縣東南二十四里

括地志  
按萬年今

咸寧

奉明

宣帝元康元年益奉明園戶為奉明縣

漢書宣帝本紀

宣帝立奉明縣以奉悼園在東都門外

水經注

長安縣

北八里奉明故縣是

宋敏求長安志

霸陵

霸陵故芷陽也文帝起陵邑因更名

通鑑注

霸水

東逕霸縣故城南漢文之霸陵縣也王莽更曰水章

水經注

杜陵

元康元年以杜東原上為初陵更名杜縣為杜

陵

漢書宣帝本紀

杜陵王莽之饒安也

水經注

秦杜縣之東有

原名東原東原之地為杜陵縣遂改杜縣為下杜以

別之雍錄杜陵故城在萬年南十五里括地志按在今咸寧東南

左馮翊 故秦內史高帝二年更名河上郡九年復為

內史武帝建元六年分為左內史太初元年改左馮

翊縣二十四漢書地理志渭橋南有石柱柱南京北立之

柱北馮翊立之水經注

高陵 白渠枝渠東逕高陵縣故城北地理志曰左輔

都尉治王莽之千春也水經注

櫟陽 白渠枝渠東逕櫟陽城北高帝定關中始都之

王莽之師亭也

水經注

漢櫟陽在臨潼東北七十里

貢禹

指錐

翟道

莽曰渙

漢書地理志

中部縣本漢翟道縣地

元和志

翟

道城在中部西北四十里纔有餘址

寰宇記

後漢省

賈志

池陽

涇陽本秦舊縣惠帝改置池陽縣

元和志

今涇陽

縣北廣吉陽鄉有迎東驛本池陽縣城

十道志

夏陽

橫溪水東逕夏陽縣故城北王莽之冀亭也

水經

注

衙 莽曰達昌春秋秦晉戰於彭衙漢地理志景帝時於彭

衙置衙粟邑屬左內史同州志

粟邑 沮水東逕粟邑縣故城北莽名粟城也水經注白

水縣本漢粟邑地故城在縣西北二十八里元和志春

秋彭衙漢為粟邑淮南子蒼頡造書天雨粟即此處

雍勝畧 按秦白水縣漢廢

谷口 文帝後元三年置谷口邑史記漢興年表莽曰谷喙漢書

地理志谷口故城在醴泉縣東北四十里括地志醴泉縣

本漢谷口縣地在九峻山東仲山西當涇水出山處

故謂之谷口

元和志

蓮勺

沮水逕蓮勺縣故城北十三州志曰以草受名

也

水經注

蓮勺在渭南縣北七十里漢初於渭北下邽

東二十里置蓮勺城

賈志

渭南縣東北來化鎮有蓮花

池即蓮勺故址

渭南縣志

廊

莽曰修令

漢書地理志

廊地名後為縣

索隱

洛川漢廊縣

地

通典



頻陽

美原本漢頻陽縣

通典

頻陽故城在富平縣東北

五十里

禹貢  
錐指

臨晉

馮翊漢臨晉縣地故城在朝邑縣西南二里

括地

志

景帝時始置臨晉縣屬左內史新莽更為監晉

同州

志

按臨晉

秦

縣

州

志

悞

重泉

莽曰調泉

漢地理志

蒲城漢重泉地

雍勝畧

郃陽

河水逕郃陽城東又徐水逕劉仲城北是高祖

仲兄劉仲之封邑也故徐廣曰郃陽國名也

水經

郃

陽故城在縣東四十里

賈志

祓祠

沮水東南逕祓祠縣故城西縣漢景帝二年置

水經注

耀有祓祠廟疑祓祠是一兵罷其秦禱兵之所

乎

江鄰幾雜志按漢立縣本此

祓祠故城在耀州東北一里

賈志

武城

石橋水逕武平城東地理志云左馮翊有武城

縣王莽之桓城也

水經注

武城在華州東十三里

馮志

沈陽

石橋水逕沈城北漢書地理志左馮翊有沈陽

縣王莽更名制昌蓋藉水以取稱矣

水經注

沈陽在華

州東北十五里舊在渭水北後漢安帝初移於此一明

統志 按長安志郡縣圖沈陽在今三原界

懷德

左馮翊領懷德縣

漢書地理志

周勃賜食邑懷德

史記

絳侯傳

徵

莽曰汜愛師古曰今澂城是也左傳云王取北徵

謂此地耳

漢地理志

澄城縣西南二十五里有北徵城漢

置徵縣

同州志

雲陵

昭帝後元二年起雲陵以其地置雲陵邑

漢書昭帝

本紀

平帝元始四年罷雲陵為縣

漢書平帝本紀

雲陵故城在

淳化縣北三十里

明一統志

萬年 高帝置莽曰異赤

漢書地理志

漢高祖葬太上皇於

萬年陵仍分櫟陽置萬年縣理櫟陽城中故櫟陽城

亦名萬年城

續通典

長陵 高帝置莽曰長平

漢書地理志

長陵故城在咸陽東

北三十里

元和志

有蕭城在咸陽縣東北四十里長陵

北世傳蕭何築以守長陵蓋即長陵城矣

水經注

陽陵

景帝五年作陽陵邑

漢書景帝本紀

故弋陽景帝更名

莽曰渭陽

漢書地理志

陽陵故城在咸陽東北四十一里

案宇記

按禹貢雖指高陵西南三十里有陽陵故城互異

雲陽

漢雲陽故城在雲陽縣西北八十里

括地志

在淳

化縣西北五十里城基猶存

賈志

右扶風

故秦內史高帝二年更為中地郡九年罷復

為內史武帝建元六年分為右內史太初元年更名

主爵都尉為右扶風縣二十一

漢書地理志

按增縣一

渭橋石

柱以北屬扶風石柱以南屬京兆

關中記

渭城 故咸陽高帝元年更名新城七年罷屬長安元

鼎三年更名渭城

漢書地理志

渭城在長安西北渭水之

陽王莽之京城也

水經注

故渭城在今咸陽縣東北二

十二里

寰宇記

按在東北三十里

槐里 章邯都廢丘居槐里漢祖引水灌城滅章邯三

年改曰槐里王莽更名槐治

水經注

槐里故城在始平

縣東南十里

括地志

按長安志云興平縣北故城是互異

鄠

漢於故鄠城置縣其城周四里顏垣尚在

寰宇記

盤屋

山曲曰盤水曲曰屋故以名縣

圖經

終南城在縣

東三十里舊縣谷郡國記曰即漢盤屋縣城也

賈志

釐

漢扶風郡領釐縣

漢書地理志

古釐城在武功縣南八

里前漢徙置縣西南三十里

賈志

郁夷

渭水逕郁夷縣故城南王莽更曰郁平

水經注

郁

夷廢縣在隴州西五十里

寰宇記

美陽

雍水南逕美陽縣西

水經注

有美陽城在縣西北

二十里今為崇正鎮

扶風縣志

郿 郿城在郿縣北十里渭水北漢置郿縣

馮志

渭水東

逕郿縣故城南在今縣東北十五里

禹貢錐指

雍 故城在天興縣南七里

玉海天興今鳳翔縣

漆 新平本漢漆縣即邠州理是也

元和志

漆縣在麟遊

縣西一百二十里隋唐為普潤縣

麟遊縣志按普潤亦漆縣地

枸邑 縣東北二十五里邠邑原上有枸邑故城即漢

理所

寰宇記



隃麋

汧水東南逕隃麋縣故城南王莽之扶亭也

水經

注隃麋澤在汧陽縣西八里許漢以此名縣

元和志

隃

麋故城在汧陽縣東三十里

明一統志

陳倉

渭水東逕陳倉縣南

水經注

漢陳倉城在今縣東

二十里

通典

漢陳倉在寶雞縣東十五里前凸後凹中

可容數千人

寶雞縣志

蒯成

蒯成縣陳倉縣之故鄉聚名周緄所封也

輿地志

高祖十二年以緄為蒯成侯

史記周緄傳

按蒯成漢志未載今增入在寶

雞縣東  
後廢

杜陽

杜水東逕杜陽故城世謂之故縣川即王莽之

通杜

水經注

麟遊漢杜陽縣地

元和志

汧

汧源縣本漢汧縣地在汧水之北

元和志

隴州東南

三里有汧縣故城

禹貢  
錐指

好時

莫水出好時縣梁山水東有好時縣故城王莽

之好邑也

水經注

今乾州東十里有好時村即漢縣所

在或云縣當在永壽境悞

乾州志

號 號在鳳翔府南三十五里九域志 故城在寶雞縣東六

十里明一統志

安陵 成國故渠逕惠帝安陵南北有安陵故城地理志

惠帝置王莽之嘉平也水經注 安陵故城在咸陽東二十

一里括地志

茂陵 成國渠東逕茂陵縣故城南武帝建元二年置宣

帝縣焉王莽之宣城也水經注 武帝於槐里之茂鄉置茂

陵邑三輔舊事 漢茂陵在興平縣東北十七里元和黃圖曰

去長陵十里

宋敏求  
長安志

平陵 成國渠東逕平陵縣故城南地理志昭帝置王莽

之廣利也

水經  
注

平陵與茂陵相去二里武帝置茂陵昭

帝徙治平陵

郡國  
記

興平縣東二十里平陵古城是

宋敏  
求長

安  
志

武功 渭水東逕武功縣故城北王莽之新光也

水經  
注

元

始五年以武功為安漢公采地名曰漢光邑

漢書平  
帝本紀

武

功故城在郿縣東四十里渭水南

寰宇記  
按以上屬右扶風

商

屬弘農郡

漢書地理志

丹水自上洛又東南逕商縣南

水經

注

商洛縣在商州東九十里

寰宇記

商洛漢商縣

唐書地理志

上雒

屬弘農郡

漢書地理志

漢元鼎四年置居洛水上因以

為名

通鑑注

漢中郡

秦置莽曰新成屬益州縣十二

漢書地理志按除房陵等四

縣在胡廣界

武帝元鼎中雍州之南置益州

通鑑注

西城

漢中郡治西城

漢書地理志

今金州西北四里西城山

東魏興郡故城是也

寰宇記按金州今興安州又州志云高帝定漢中置蕭山縣即今

秦郊鎮  
未幾廢

洵陽

洵水東南逕洵陽縣南

水經注

洵陽本漢舊縣

案宇記

南鄭

高帝元年立為漢王王漢中都南鄭

漢書高帝本紀

高祖

入秦項羽封為漢王蕭何曰天漢美名也遂都南鄭

水經

注南鄭故城在府東二里

馮志

褒中

昭帝元鳳六年置

漢中志

褒水南逕褒縣故城東褒

中縣也本褒國矣

水經注

褒州在縣南十里打鐘壩村漢

曰褒中

賈志

安陽

漢漢中郡領安陽縣

漢書地理志

安陽故城在漢陰

縣西二十四里敖口東十里漢江之北

寰宇記

城固

涇水東北流逕城固南城北城在山上或言韓

信始立或言張良所築未知定所制矣

水經注

城固今

縣東六里故北城是以有南城故謂此為北城

縣道記

按水經注漢水又左得度口水度水南逕平陽縣故城東賈志云平陽城在今西鄉縣洋川高祖置縣後

廢

沔陽

沔水南逕沔陽城南蕭何所築其城南臨漢水



北帶通達

水經注

沔陽故城在今沔陽縣東南十里

禹貢

錐指

錫

漢水東逕錫縣故城北春秋之錫穴王莽之錫治

也

水經注

按即今白河縣以上諸縣屬漢中郡

故道

屬武都郡

漢書地理志按武都屬涼州

故道水逕故道城東

水經注

鳳州在漢為故道縣地

雍勝畧

沮

屬武都郡

漢書地理志

武興漢武都沮縣也

續通典

沮縣

廢基在畧陽縣東一百二十里沮水河側

畧陽縣志按寧羌



州本漢廣漢郡葭萌縣地

陰槃 屬安定郡

漢書地理志按安定屬涼州

漢陰槃城在宜祿縣

西北二十五里

元和志按陰槃今長武地

直路 屬北地郡

漢書地理志按北地屬涼州

沮水自直路縣東南

逕燒石山

水經注

直路縣後漢已廢其故城在中部縣

西北二百里又姚秦置中部縣直路故城在焉

禹貢錐指

鶉觚 屬北地郡

漢書地理志

宜祿漢鶉觚地

通典

鶉觚舊治

長武縣南四十里枝村原故址尚存

長武縣志

上郡 秦置高帝元年更為翟國七月復故屬并州縣

二十三

漢書地理志

按除十二縣在西省山西界兼有未詳所在者

馬援兄買王

莽時為增山連率

後漢書援傳

莽改上郡為增山

後漢書注 隋

唐綏州延州漢上郡地

通鑑注

膚施

奢延水東逕膚施縣南秦置上郡治高祖并三

秦復以為郡

水經注

獨樂

有馬湖峪在今米脂縣北碎金驛康灣之南即

故獨樂縣宋改為永樂

延綏志

陽周 走馬水出長城北陽周縣故城南橋山王莽更

名上陵

水經注

陽周故城在安定縣北九十里

安定縣志

淺水

王莽改曰京室

水經注

宜祿本漢淺水縣地

元和志

折塘城在長武縣北五里即淺水故縣

賈志

按上郡與長武相

去絕遠淺水似非長武地

奢延

奢延水出奢延縣西南東北流逕其縣故城南

王莽之奢節也

水經注

奢延故城在廢夏州西南

禹貢錐指

按在今榆林府懷遠縣

雕陰

雕陰廢縣在洛交縣北三十里

括地志

甘泉縣本

漢雕陰縣城在甘泉縣南四十里

元和志

龜茲

諸次水出上郡諸次山東逕榆林塞即漢書所

謂榆溪舊塞也綠歷沙陵屈龜茲縣西出故廣長榆

也

水經注

榆林衛本漢上郡龜茲縣地北至邊牆十里

其外皆戰國雲中九原地也

禹貢雖指即榆林府榆林縣地

按龜茲

定陽

定水逕定陽縣故城南應劭曰縣在定水之陽

也

水經注

定陽在今宜川縣西北

高奴 清水東逕高奴縣項羽封董翳為翟王高祖破

以縣之王莽之平利矣

水經注

延州城即漢高奴縣

括地

志

白土 圓水出上郡白土縣圓谷東逕其縣南王莽更

曰黃土

水經注 按白土縣在今榆林府西北河套中

高望 屬上郡莽曰堅寧

漢書地理志 按高望縣在榆林府北河套中

西河郡 武帝元朔二年置莽曰薊新屬并州縣三十

六

漢書地理志 按除二十八縣在山西界兼有未詳所在者

富昌 湍水東逕西河富昌故城南王莽之富成水經注

富昌故城在勝州南延綏舊志按富昌在榆林府東北河套中

美稷 湍水出西河郡美稷縣東南流入長城東水經注

按美稷在榆林府東北河套中又有美稷鄉在山西寧州界乃後漢所徙置非故縣

大城 莽曰好成漢地理志按義熙二年柔然獻焉於姚興濟河至大城即此在榆林府

北河套中

鴻門 屬西河郡漢地理志 圉水東逕鴻門縣縣故鴻門亭

風俗記曰圉陰縣西五十里有鴻門亭水經注按鴻門在今米

脂西

圉陰

屬西河郡

漢地理志

圉水東逕圉陰縣北惠帝五年

置王莽改曰方陰

水經注

縣在圉水之陰因以為名今

有銀州銀川即是舊名猶存但字變耳

師古注

圉陽 屬西河郡

漢書地理志

圉水出白土縣圉谷東逕圉

陰縣北又東逕圉陽縣南今米脂縣有圉陰故城圉

陽當在東北

禹貢錐指

增山 漢西河郡領增山縣有道西出眩雷塞北部都

尉治

漢地理志

虎猛屬西河郡西部都尉治

漢書地理志按天鳳元年匈奴至西河虎猛

制虜塞下告欲和親即此在榆林府北河套中

朔方郡武帝使衛青出雲中以西擊樓煩白羊王於

河南遂取河南地築朔方

漢書匈奴傳

漢元朔二年置朔

方郡使校尉蘓建築朔方城

水經注

朔方郡屬并州領

縣十

漢書地理志按除修都一縣未詳所在

三封河水東北逕三封縣故城東漢武帝元狩二年



置十三州志曰在臨戎縣西一百四十里

水經注按三封在

今定邊縣北河套中

朔方 河水南逕馬陰山西又東南逕朔方縣故城東

北詩所謂城彼朔方王莽以為武符者也

水經注

什賁

故城在夏州朔方縣北即漢朔方縣故城

元和志

朔方

縣漢朔方郡治

禹貢錐指按朔方在懷遠縣北河套中

臨河 河水東逕高闕南又東逕臨河縣故城北王莽

之監河也

水經注

西受降城在豐州西八十里漢臨河

縣故理處

元和志

臨河故城在今榆林衛西北

禹貢錐指按

臨河在今靖邊縣北河套中

窳渾

河水東逕沃野故城南又北迤西溢於窳渾縣

故城東武帝元朔二年開朔方郡治王莽更郡曰溝

搜縣曰極武

水經注

窳渾故城今在廢夏州西北

禹貢錐指

按窳渾在靖邊縣北河套中

渠搜

河水自朔方東轉逕渠搜縣故城北王莽之溝

搜亭也

水經注

渠搜在廢夏州北

禹貢錐指

按渠搜在榆林府西北河套中

沃野

河水東逕臨戎縣故城西又東逕沃野故城南

武帝元朔三年立王莽之綏武也

水經注

沃野故城在

天德軍城北六十里

地理通釋

靖邊縣西北河北岸按沃野在

廣牧

河水東逕臨河縣南又東逕廣牧縣故城北王

莽之鹽官也

水經注

廢豐州城在榆林衛西北塞外七

百里本漢朔方郡之廣牧縣

禹貢雖指

臨戎

河水東北逕三封縣故城東又北逕臨戎縣故

城西王莽之推武也

水經注

唐永豐縣在豐州西一百

六十里本漢臨戎縣地

元和志定邊縣北河套中按臨戎在

呼道

朔方郡領呼道縣

漢書地理志按後魏代名郡有呼道縣在今榆林境當

即漢縣舊地

五原郡

元朔二年遣衛青出雲中至高闕收河南地

置五原郡

漢書武帝本紀

秦九原郡武帝元朔二年更名莽

曰獲降屬并州領縣十六

漢地理志除勝州榆林六縣未詳所在

縣西有漢五原城

通典

九原 河水逕河陰縣故城北又東逕九原縣故城南

秦始皇置九原郡治此武帝元朔二年更名五原王

莽之獲降郡城平縣矣

水經注

九原故城在勝州西界

今連谷縣是

史記正義

按九原  
在神木縣北河北岸

五原 九原縣西北接對一城蓋五原縣故城王莽填

河亭也其城南面長河北背連山

水經注

按五原  
在神木北河北岸

臨沃 河水東逕副陽城南又東逕臨沃縣南王莽之

振武也

水經注

臨沃縣在稠陽西

禹貢錐指

按臨沃  
在府谷北河北岸

宜梁 河水東逕原亭城南又東逕宜梁縣故城南闕

駟曰五原西南六十里今世謂之石崖城

水經注

今在

廢豐州東

禹貢錐指 按宜梁在榆林府北河北岸

河陰

河水東逕副陽城南又東逕河陰縣故城北

水經

注

按河陰在神

木縣

北河套中

曼栢

莽曰延栢

漢地理志

曼栢縣在勝州銀城縣

後漢書注 按

曼栢在府谷

北河套中

成宜

河水東逕田辟城南又東逕成宜縣故城南王

莽更曰艾虜

水經注

城在廢豐州界

禹貢錐指 按成宜在榆林府北河

北岸

稠陽 河水東逕宜梁縣故城南又東逕稠陽縣故城

南王莽之固陰也又北出石門障西北趣光祿城甘

露三年呼韓邪單于還詔送單于居幕南保光祿徐

自為所築城也故城得其名矣

水經注 按稠陽在府谷東北河北岸又

史記武帝太初元年使公孫敖築塞外受降城甘露三年單于自請願留光祿塞下有急保受降城城近

光祿塞

西安陽 河水東南逕朔方縣故城東北屈南過五原

西安陽縣南

水經注

莽曰障安

漢書地理志

城在廢豐州東

北

禹貢錐指

按西安陽在懷遠縣北河北岸

河目

河水自臨河縣東逕陽山南南屈逕河目縣左

水經注

河目故城在北假中河北

括地志

按河目在懷遠縣西北河北岸

以上屬五原郡

沙南

屬雲中郡

漢書地理志

河水東過雲中楨陵縣南又

東過沙南縣北

水經注

楨陵即廢東勝州其故城在衛

西北河東岸沙南縣在西岸榆林塞外唐為勝州地



禹貢雖指 按沙南  
在府谷東北河套中

右漢錄郡八縣邑一百一十有五揚子雲謂高祖  
創業蜀漢發跡三秦而帝天下故其後用奉春之  
策仍都關中懲秦孤立雖大啟爾宇而畿內之地  
不以封建惟析秦內史為三郡以弼成都邑而郡  
縣之制遂相沿不廢逮建元以後開置朔方五原  
等郡關中幅員愈廣其所建置益倍於秦至於新  
莽竊位十餘年中妄意改作分三輔為六尉或至

一郡五易其名此類本不足紀第蘭臺該載之故  
亦畧附見云

後漢

中興以來郡縣改易凡前志有縣名今所不載者皆世  
祖所并省也前無今有者後所置也凡縣名先書者郡  
所治也又世祖中興官多役煩乃命并省郡國縣邑至  
明帝後所省縣漸復分置郡國志光武都洛陽關中復置  
雍州後罷復置司隸統三輔如舊晉書地理志獻帝初平元

年遷都長安

後漢獻帝紀

建安十八年省併州郡復禹貢之

九州冀州得西河雲中五原朔方雍州得弘農京兆馮

翊扶風上郡隴西武都益州有漢中

後漢書百官志注按後漢司隸治

河南故不錄

京兆尹

屬司隸領十城

郡國志外增縣一

京兆尹左馮翊右

扶風漢初都長安謂之三輔中興都洛陽以三輔陵

廟所在不改其號

後漢書百志陵奉明船司空

按漢京兆尹領南三縣俱後漢廢

長安王莽改常安東漢復為長安

馮志

渭城縣後漢省

入長安

咸陽縣志

霸陵

後漢京兆尹領霸陵縣

郡國志

按通鑑建武二年蔣震據霸陵

杜陵

宣帝起杜陵邑後漢為縣屬京兆

通鑑注

鄭

黃圖下邳縣并鄭

郡國志

下邳

下邳縣并鄭桓帝西巡復之

三輔黃圖

董卓遷都長

安華歆求出為下邳令即此

元和志下邳增入

新豐

靈帝建寧三年改為都鄉封耿段為侯國

水經注

昭應縣東三十里有故城後漢靈帝末移安定郡陰

樂縣寄理於此今謂陰槃城

案宇記按昭應今臨潼

藍田

後漢京兆尹領藍田縣

郡國志按通鑑建安初延岑據藍田

長陵

故屬馮翊

郡國志

建武十五年改屬京兆

王

商

故屬弘農

郡國志

建武十五年改屬京兆

王

上雒

侯國故屬馮翊

郡國志

建武十五年改屬京兆

王

王遵封上雒侯即此

雒南縣志

陽陵

故屬馮翊

郡國志

建武十五年改屬京兆

王

華陰

屬弘農郡故屬京兆

郡國志

前漢書渭水至船司

空入河後漢省船司空屬華陰

通鑑注

左馮翊

屬司隸領十三城

郡國志

順帝六年以羌寇充

斥徙北地居左馮翊永建四年還舊治後復徙之

通鑑

注建安初關中始開詔分馮翊西數縣為左內史郡

治高陵

三國魏畧

按漢左馮翊領谷口翟道武城櫟陽沈陽懷德廊徵雲陵九縣俱後漢省

高陵 光武東都後馮翊出治高陵

關中記

今高陵縣西

南二里即高陵故城

禹貢錐指

池陽

谷口故城在醴泉縣北後漢為池陽

通典

永初五

年徙郡以避寇難北地徙池陽故城在今涇陽縣地

通鑑注

雲陽

後漢左馮翊領雲陽縣

郡國志

永康元年先零掠

雲陽

後漢書和帝紀 按雲陽在今淳化縣西北

殺祠

永元九年復

郡國志

永康元年先零寇關中圍殺

祠

後漢書和帝紀

耀州華原同官縣本漢殺祠縣地

續通典按殺

祠蓋建武中省

頻陽

後漢左馮翊領頻陽縣

郡國志

按頻陽在富平東北五十里

沮

水自土門東逕懷德城南城在北原上

水經注

懷德故

城在今富平縣西南十里非漢懷德縣也蓋後漢三

國時因漢舊名於此立縣今有廢城

禹貢  
錐指

萬年 白渠枝渠東逕櫟陽城北建武二年封景丹為

侯國

水經注

後漢省櫟陽入萬年

元和志

漢櫟陽萬年為

二縣後漢始省併

通鑑注

蓮勺

後漢左馮翊領蓮勺縣

郡國志

重泉

莽曰調泉後漢復舊

宋敏求  
長安志

漢徵縣光武省徵



為重泉地

賈志

臨晉

建安初詔分馮翊以西數縣為左內史郡以東

數縣為本郡治臨晉

魚豢魏畧

漢臨晉在朝邑縣界後漢

移置於此取故城為名

案宇記晉在今同州

按臨

郃陽

永平二年復

郡國志陽蓋建武中廢

按郃

夏陽

順帝永和五年徙上郡居夏陽

後漢書順帝本紀

衙

永初元年徙上郡居衙

後漢書安帝本紀

安帝時羌亂以

上郡寄理於此因省衙縣

案宇記還舊理至永和初復徙夏陽

按上郡永建初自衙

栗邑 永元九年復郡國志沮水東逕栗邑故城北後漢

封耿夔為侯國水經注

右扶風 屬司隸領十五城郡國志增縣一扶風治在夕陰街

北光武後出治槐里三輔黃圖順帝六年徙安定居扶風

後漢書順帝紀獻帝中平六年省扶風都尉置漢安郡鎮雍

渝廩杜陽陳倉汧五縣獻帝起居注按漢右扶風領渭城藍屋聚郿夷號五縣

俱後漢省

槐里 渭水東逕槐里縣故城南桓帝封皇甫嵩為侯

國

水經注

安陵

後漢右扶風領安陵縣

郡國志

按安陵王莽改嘉平後漢復故

平陵

後漢右扶風領平陵縣

郡國志

按平陵王莽改廣利後漢復故

茂陵

後漢右扶風領茂陵縣

郡國志

按茂陵王莽改宣城後漢復故

鄠

建武三年任良據鄠

通鑑

漢鄠縣屬右扶風東漢因

之

賈志

郿

渭水東逕郿縣故城南諸葛亮屯郿司馬懿欲據

郿拒亮即其縣也又渭水東逕郿塢南漢董卓發卒

築郿塢高與長安城等

水經注

董卓塢在郿縣東北六

十里

元和志

武功 永平八年復

郡國志

後漢省釐縣自渭南移武功

縣於故釐城因謂之武功城

寰宇記

盩厔縣光武省入

武功

武功縣志

按故釐城在今武功南八里即後漢武功治

陳倉 獻帝中平六年漢安郡領陳倉縣

獻帝起居注按陳倉即

今寶雞縣

汧 建武初諸將下隴祭遵軍汧故城在隴州汧源縣

西通鑑

郁夷縣在隴川西五十里

案宇記

郁夷省併郿

地道記 按郁夷與郿相去絕遠後漢不寄理於郿因併郿耳

隃麋

汧水逕隃麋故城南建武四年封耿況為侯國

水經注

雍 安帝初元元年先零寇雍城右扶風雍城縣也

通鑑

注 號縣後漢並於雍

案宇記

栒邑

後漢末屬新平郡

通考 按漢屬右扶風後漢興平初改隸新平

美陽

岐水南逕美陽縣之中亭川永元二年封耿秉

為侯國

水經注

永初五年詔安定徙美陽

後漢書安帝本紀

好時

建武二年封耿弇為好時侯食好時美陽二縣

後漢書

耿弇傳莫水東有好時故城

水經注

按好時郡國志未載今增入

漆

興平元年分安定扶風為新平郡

後漢書獻帝本紀

邠州

漢漆縣後漢於此置新平郡

元和志

杜陽

永和二年復

郡國志

周原在岐山陽地屬杜陽

鄭氏

譜詩

漢中郡

屬益州秦置城九

郡國志

除房陵等二縣在湖廣界外增縣四

建

安四年分涼州四郡置梁州十八年省梁州以其郡

國併屬冀州

素宏後漢紀

蜀置梁州治漢中今興元

地理通釋

張魯據漢中建安五年拜魯為漢寧太守

漢中志

魏武

征張魯復曰漢中郡

通考

南鄭 南鄭東漢置漢中郡始治此

漢中府志

武鄉 武鄉谷在漢中府東北三十里蜀漢封諸葛亮

為侯國

十道志 按郡國志無武鄉今增入後廢

城固

蜀以城固為樂城縣

華陽國志

樂城縣在城固縣

西八十里蜀漢建興七年丞相亮築樂城於城固

賈志

龍亭

在洋縣龍亭山本漢龍亭縣元初元年蔡倫封

龍亭侯即此

賈志

龍亭縣在城固東龍亭山

禹貢雖指按龍亭

郡國志未載今增入

定遠

洋水自巴山東北逕平陽城漢中記曰本西鄉

縣治也城即定遠矣後漢班超封定遠侯即此

水經注

定遠縣屬漢中郡故城在西鄉縣治南

通鑑注

按定遠縣郡國

志未載

今補入



南鄉

西鄉即漢城固縣地蜀置南鄉縣

通鑑注

在西鄉

縣東南歸仁山蜀先主分城固地為南鄉縣即今漁

渡灞口

賈志按南鄉縣郡國志未載今補入以上三縣皆尋廢

褒中

安帝永初三年先零寇褒中

後漢書安帝紀

褒中縣名

漢中褒城縣

後漢書注

褒州故址在褒城南十里漢曰褒

中

賈志

沔陽

沔陽舊傳蕭何所築昭烈為漢王權住此城今

門外盟壇猶存

梁州記

沔陽故城在舊西縣東南一十

六里

賈志

蜀以沔陽為漢城

華陽國志

蜀令蔣濟守漢城

地理

通釋

按通釋謂

沔陽在西縣西

西城

西城故漢中郡之屬縣也漢末為西城郡

水經注

建安十二年漢中分西城安陽為西城郡二十四年

蜀以申儀為西城太守

三國魏志郡有洵陽縣

按漢漢中後漢廢

安陽 張魯為漢寧太守素山松書曰建安十二年分

漢中之安陽置漢寧郡

通鑑注漢陰西二十四里

按安陽在

錫 甲水出秦嶺山東南至錫入沔當在今白河縣界

白河漢錫縣地也

禹貢錐指 按以上諸縣俱屬漢中郡

故道

屬涼州武都郡

郡國志

鳳縣漢為故道地東漢因

之

馮志 按金牛故城在寧羌州西北蜀為漢壽縣地

沮

沮今興州順政縣

後漢書注 按順政即今畧陽

畧陽漢為沮縣

地屬武都郡東漢因之

馮志

鶉觚

故屬北地後漢屬涼州安定郡

郡國志 按漢安定郡領陰槃

北地郡領直路俱後漢省

上郡

屬并州領十城

郡國志 按除潦垣橫林侯官三縣未詳所在

王莽以

馬員為增山連帥題世祖以為上郡太守

水經注

永初

五年西羌亂詔上郡徙衙永建四年歸舊土永和五

年復徙上郡居夏陽

後漢書

建安二十二年省上郡

晉地

理志

按漢上郡領獨樂

陽周

淺水高望俱後漢省

膚施

後漢上郡治膚施縣

郡國志

按漢地理志有陽周縣後漢省入膚施高

奴二縣

奢延

段熲追羌出橋門戰於奢延澤即上郡奢延縣

界

鑑注

莽曰奢節東漢復舊名後兵擾邑廢

清澗

縣志按奢延

縣在今懷遠縣界

雕陰

後漢上郡領雕陰縣

郡國志

漢雕陰縣後漢為雕

陰城

綏德州志

定陽

定水逕定陽縣故城南

水經注 按定陽在宜川縣界

高奴

河水東逕高奴縣東今膚施縣北百里有金明

城即漢高奴縣

禹貢錐指

安寨縣漢高奴縣地

雍勝畧

白土

後漢上郡領白土縣

郡國志 榆林府西北河套中

按白土在今

龜茲

後漢上郡領龜茲縣

郡國志

龜茲在上郡銀川之

間

師古注 按龜茲在今榆林縣界

固陰

後漢固陰縣屬西河郡

郡國志 按固陰今米脂地又漢西河郡領富

昌鴻門增山虎猛四縣俱後漢省

固陽

後漢固陽縣屬西河郡

郡國志 按固陽在今神木地

朔方郡

屬并州武帝置領六城

郡國志

建武十一年省

朔方併并州二十六年朔方郡民歸於本土永和五

年徙朔方居五原建安二十年省朔方郡

後漢帝紀 按漢朔

方郡領臨河窳渾渠搜呼遒四縣俱後漢省

臨戎 河水逕臨戎故城西舊朔方郡治

水經注

永豐縣

本漢臨戎縣後漢末廢

元和志定邊縣北河套中按臨戎在

三封 漢三封在今豐州西一百里後漢因之

元和志按三

封在定邊縣北河套中

朔方 建武二十六年南單于居西河使右賢王屯朔

方

後漢南匈奴傳按朔方在懷遠縣北河套中

沃野 沃野故城在天德軍城北

地理通釋按沃野建安中省在榆林府

西北河  
北岸

廣牧 九原本漢廣牧縣地

元和志按廣牧在榆林府西建安中僑置於新興

郡故縣遂廢

大城 前屬西河郡後漢屬朔方郡

通鑑注

永元六年鄧

鴻追擊逢侯於大城塞

後漢書南匈奴傳按大城在榆林府北河套中

五原郡 屬并州領十城

郡國志按除父國河陰武都三縣未詳所在

建安

二十年省五原郡徙吏人置河東二十六年五原郡

民歸於本土

後漢書光武紀

永和五年徙朔方治五原

後漢書安

帝紀按漢五原郡領河陰河目二縣俱後漢省



九原

建武五年盧芳入居九原略有數郡

孝宏後漢紀

永

初元年烏桓寇五原戰於九原高渠谷九原縣名屬

五原郡

後漢南匈奴傳并注按九原在今神木東北河北岸

五原

南單于使骨都侯屯五原

後漢南匈奴傳按五原在九原西北今

神木北

河北岸

臨沃

臨沃縣在稠陽西

禹貢錐指按臨沃在今府谷北河北岸

宜梁

在五原西南六十里

水經注按宜梁在榆林府西北河北岸建安中省

曼栢

永平七年初置度遼將軍屯五原曼栢在今銀

城縣

後漢明帝紀  
拓在今府谷北河套中

按雒指曼

成宜 成宜城在廢豐州界

禹貢雒指  
在榆林府北

按成宜  
河北岸

西安陽 西安陽城在廢豐州東北

禹貢雒指  
陽在懷遠縣  
西安  
北河

北岸以上

屬五原郡

沙南 屬并州雲中郡

郡國志

沙南故城在河西岸

禹貢  
雒指

稠陽 永光元年鄧鴻出稠陽塞稠陽縣屬九原郡故

城在今勝州銀城縣

後漢和帝本紀  
在今府谷東北河  
北岸  
按稠陽

右後漢錄郡七縣七十九世祖中興承前漢之烈

間有省併終鮮創置故三輔郡縣多仍西京之舊  
至永和以後上郡朔方沒於羌戎則疆理日蹙矣  
蜀漢奮起梁益所得僅西城漢中且諸葛治蜀不  
置史官故建置靡詳惟因其可考者附錄於此云  
魏晉

魏文帝即位改京兆尹為太守馮翊扶風各除左右仍  
以三輔屬司隸又晉惠帝即位改扶風為秦國徙都建  
興之後雍州沒於劉聰及劉曜徙都長安改號曰趙石

勒克長安復置雍州石氏既敗苻健據關中又都長安  
是為前秦乃於雍州置司隸校尉姚萇滅苻氏是為後  
秦及姚泓為劉裕所滅其地尋入赫連勃勃號曰南臺

晉書地理志

愍帝都關中四年

通考

雍州 魏以三輔屬司隸晉於長安置雍州統郡國七

晉書地理志

晉置雍州理京兆

地理通釋

雍州統郡國七除安定一郡在西省

京兆郡

統縣八

晉書地理志

外增縣三 漢京兆尹魏改尹為守

後改為秦國後復為京兆國晉為京兆郡

通典

正始五

年復秦國為京兆郡

魏書齊王本紀  
郡領長陵陽陵二縣俱晉省

按後漢京兆

長安

漢長安魏晉皆因之

馮志

姚萇改長安曰常安

後魏

書姚  
萇傳

渭城

河間王顥頓兵於鄭聞劉沈兵起還鎮渭城

通鑑

漢渭城石勒置石安縣苻秦復置渭城縣咸陽郡治

石安縣即漢渭城石勒更名是郡

通鑑注  
無渭城今

按晉志  
增入

杜陵

宣帝置杜陵晉改杜城

馮志

按杜陵晉志仍  
作杜陵在咸寧東南十

五里

靈武 建興初劉曜逼長安麴璆自阿城進救追曜至

零武

晉書載記

咸陽縣東有靈武鄉

咸陽縣舊志記作零武

鑑注仍作

靈武晉地理志未載今增入

霸城 霸陵縣漢屬京兆晉改曰霸城

通鑑注按晉書永康初封趙

王倫子為霸城侯即此

藍田 永和九年桓溫伐苻秦至藍田

晉書載記

藍田縣漢

屬京兆晉因之

馮志

高陵 白渠枝渠東逕高陵縣故城北太康地記謂之

高陸

水經注

高陵縣漢屬馮翊晉改曰高陸屬京兆

通鑑

注魏黃初元年改為高陸縣其治在高陵縣西南一

里高陸故城是也

通典

萬年

萬年故櫟陽

晉書地理志

太和四年秦王堅畋於萬

年萬年漢屬馮翊晉屬京兆

通鑑注

新豐

晉京兆郡領新豐縣

晉書地理志

河內王粲在新豐

麴特等擊粲於新豐

晉書載記

按新豐即今臨潼縣

渭南

符堅甘露二年置渭南縣

十六國春秋

渭南縣故城

在縣北符堅所置

宋敏求長安志

本漢新豐地前秦符堅割

新豐鄭二縣地置渭南縣屬京兆郡

雍勝畧按志未載今增入

陰般

漢屬安定晉屬京兆郡鴻門戲水皆在縣界

魏書

地形志按陰般在今臨潼縣東

馮翊郡

統八縣

晉書地理志

漢武帝左馮翊魏除左字但

為馮翊郡晉因之

通典按漢左馮翊有雲陽縣元和志云魏司馬宣王罷又漢左馮

翊領池陽衙二縣俱省

臨晉

本漢臨晉武帝改為大荔縣

元和志

建安初分東



數縣為左馮翊治臨晉晉因之

同州志按元和志謂武帝改大荔但地

理志仍標臨晉故從晉志

下邳

晉馮翊郡領下邳縣

晉書地理志

趙染敗南陽王模

於長安長驅至下邳

晉書載記

重泉

晉馮翊郡領重泉縣

晉書地理志

徵縣後漢省晉復

置尋又省

寰宇記

東漢省徵縣魏晉並為重泉地

蒲城

縣志按重泉在今蒲城縣南

頻陽

晉馮翊郡領頻陽縣

晉書地理志唐美原南三里

按頻陽在今富平東

北五  
十里

栗邑

劉曜進軍屯於栗邑

晉書  
戴記

漢安帝時省衙縣

晉惠帝再置尋又省

括地  
志

衙縣魏併栗邑晉因之

白水縣志

按

栗邑即今白水

蓮勺

晉馮翊郡領蓮勺縣

晉書地理志

按蓮勺在  
渭南縣渭水北下邳東北

二十  
里

郃陽

晉屬馮翊郡後罷

宰莘退  
食錄

夏陽

東漢夏陽屬馮翊魏晉因之

韓城縣志

按  
夏陽今韓城

扶風郡

統六縣

晉書地理志  
晉外增四縣

右扶風魏文帝除右字

為扶風郡晉太康八年為秦國

元和志

永安元年移扶

風於文學城今謂故縣城

興平縣志  
安陵平陵茂陵杜陽四縣

漢扶風郡領

俱魏  
間省

池陽

秦國治池陽

晉書地理志

涇陽本秦舊縣後漢及晉

為池陽縣

通典

涇陽惠帝改池陽縣符秦又置涇陽縣

元和志

符秦於今縣東南二十八里置涇陽縣

宋敏求  
長安志

符秦置涇陽尋廢

涇陽縣志

好時

後漢省

通鑑注

晉元康中復於好時縣城東南二

里再置好時縣

寰宇記

按好時在今乾州東晉志未載今增入

郿

漢屬扶風太康地志屬秦國

宋書州郡志

姚秦曰郿城

郿縣志

雍

晉扶風郡領雍縣

晉書地理志

永和九年喬秉起雍

通鑑

漢杜陽縣晉省

寰宇記

枸邑縣魏省

通鑑注

汧

晉扶風郡領汧縣

晉書地理志

晉永安初陳安襲汧

拔之

通鑑按汧今隴州

隴關 郁夷故城在隴州西五十里太康中於此置隴

關縣

案宇記

隴關縣尋廢

賈志按隴關縣晉志未載今增入

隴 符堅太初元年符雙以上邽叛乘勝至掄眉

十六

國春秋按掄眉即隴康在  
汧陽縣晉志未載今增入

陳倉 魏明帝遣郝昭營陳倉城諸葛亮圍之不利而還

水經注

陳倉城魏太和中郝昭所築今有上下二城下

城是昭築

元和志按陳倉即今寶雞縣

苑川 晉末陳倉縣廢符姚時於縣界置苑川縣

周地記

苻健於三交城置武都郡

十六國春秋 按范川在寶雞西四十六里即三交

城晉志未

載今增入

美陽

晉扶風郡領美陽縣

晉書地理志

在今扶風縣北二

十里即今法門寺東城垣尚存

賈志 按以上屬扶風郡

鶉觚

晉鶉觚屬定郡

晉書地理志 今長武安定郡

按鶉觚即屬雍州

北地郡

統縣二

晉書地理志

魏文帝分馮翊之祓裋置

後魏書地

形志本漢裋裋縣地屬左馮翊曹魏於其地置北地郡

元和志

泥陽 漢後祠縣魏文帝自彭原縣界富平故城徙北

地郡於此其縣遂廢

宋敏求長安志

耀州東一里有後祠故

城景帝置後祠縣晉泥陽亦此地

耀州志

富平 晉移北地郡富平縣於今縣西南懷德城

通懷典

德故城在今富平縣西南十一里

寰宇記

始平郡 統縣五

晉書地理志

武帝泰始三年分扶風置始

平郡

通鑑注

符堅徙始平於茂陵故城

興平縣志

槐里 渭水東逕槐里縣故城南世謂之為大槐里

太康中始平郡治也

水經注

槐里故城在始平縣東南

十里黃初元年於故城置扶風郡晉太始中徙理郿

改此城為始平國

案宇記

始平

始平縣黃初元年改始平因原以建名

括地志

漢

平陵縣魏文帝改為始平晉武帝改始平國

元和志

茂

陵縣後併入始平縣

案宇記

武功

魏太祖以武都孤遠於是移郡於小槐里

三國志

武功縣有小槐里謂之槐里西城

案宇記

赫連勃勃以



北秦州牧鎮武功

晉志

武功漢屬扶風晉太康地志屬

始平

宋書州郡志

鄠 穆帝時劉珍起鄠鄠漢屬扶風晉屬始平郡

通鑑注

蒯城 故陳倉之鄉聚名周繆所封晉咸寧四年分立

為縣後廢

輿地記按蒯城在今寶雞東

新平郡 屬雍州統縣二

晉書地理志

後漢置新平郡姚萇

之亂廢

元和志

晉分扶風置新平郡

通鑑注

漆 晉置新平郡治漆縣

通鑑注

本漢漆縣符秦改為新

平縣

晉書地理志  
平縣即今邠州

按新

邠邑

晉邠邑屬新平

晉書地理志  
按漢枸邑屬古  
扶風晉為邠邑  
在今三水東以

上屬  
雍州

華山郡

姚興寇晉湖城晉華山太守董邁降

十六國  
春秋

華山郡晉分弘農之華陰京兆之鄭馮翊之夏陽置

通鑑注  
晉志無華山郡  
未詳所屬今增入領縣二

鄭義熙中劉裕攻潼關姚讚自定城退還鄭城

晉書  
載記

按鄭  
今華州

華陰 東漢屬弘農郡晉因之

賈志 按後屬華山郡

中部郡

漢渠搜中部都尉治此姚秦置中部郡

郡縣釋名

中部

姚興置中部縣

郡縣釋名 按郡縣俱增入

上洛郡

屬司州泰始三年分京兆南部置統縣三書

地理志 按除盧氏一縣在河南界外增二縣

上洛縣故屬京兆晉分為郡

地道記曰郡在洛上故以為名

水經注

上洛 縣故屬京兆晉分為郡

水經注 按上洛即今商州後漢屬京兆晉為

上洛郡治

商 晉上洛郡領商縣

晉書地理志 按商縣後漢屬京兆 晉改屬上洛郡

拒陽 晉太始三年分上洛地於今縣東北八十里置

拒陽屬上洛郡尋廢

寰宇記

洛南縣建於洛水南燕子

山陽即晉

淮南縣志

拒陽舊址

豐陽 漢商縣地晉分商縣置豐陽以川為名

舊唐書地理志

符堅皇始二年置荊州於豐陽建元十六年以荊州

鎮襄陽而移洛州居豐陽

十六國春秋

今山陽縣豐陽關

商州志

按豐陽晉志未

載今增入以上屬上洛郡

沮

晉沮縣屬武都郡

晉書地理志按武屬秦州

本漢沮縣地永

嘉末為氏人所據郡縣荒廢

元和志

晉末氏人楊茂搜

分王武興今東關即武興之故址也

漢中府志按寧羌州晉為晉

壽縣地

故道

晉故道屬武都郡

晉書地理志

永嘉後沒氏羌縣名

絕矣

元和志按故道今鳳縣

梁州

梁州鎮南鄭魏景元四年平蜀所置也晉永嘉

元年蜀賊沒漢中遂治魏興三年還漢中建興元年

為氏所沒桓溫平蜀復舊土

南齊書州郡志

漢益州魏分置

梁州晉初因之惠帝以後李特據之至穆帝時平之

其後沒於苻堅後又復其地安帝時譙縱據之後又

收復

通典

泰始二年分益州置梁州於漢中又江左分

梁為秦寄居梁州

晉書地理志

漢中郡

統八縣

晉書地理志除蒲池在西省

按

後漢末張魯據其

地改漢中為漢寧魏武復曰漢中

通典

太康中武帝子

漢王受封更曰漢國

漢中志

南鄭

南鄭縣郡治

漢中志

褒中

義熙初譙縱之亂漢中移治魏興縱滅還治漢

中之苞中縣所謂南城也

宋書州郡志

盟會圖梁州褒城

縣漢之褒中義熙之苞中也

路史按宋志路史俱以晉改褒中為苞中但

仍作褒中

地理志

沔陽

魏置梁州初治沔陽

華陽國志

城固

蜀以城固為樂城縣晉仍為城固縣

華陽國志晉平

譙縱後梁州刺史嘗理於此

元和志

南城義熙九年索

邈為梁州刺史自城固治此故謂之南城

晉書地理志 水

經注漢水又東逕小城固南州治大城固移縣北故

曰小城固在洋縣東

禹貢  
錐指

西鄉 西鄉蜀立曰南鄉晉太康二年更名

宋書州郡志 蜀

立南鄉晉改西鄉縣南十五里平陽故城是也

寰宇記

與夔之東鄉對故改名西鄉

漢中府志

黃金 本漢安陽縣地後魏文帝置因黃金水為名

元和

志 黃金縣在洋縣東四十五里黃金谷內

洋縣志  
按在洋縣



東北

後廢

興道

後主遣王平守興勢即今興道縣晉屬漢中郡

通漢水在興道縣南二百步

寰宇記

興道故址在洋縣

東門內晉置興道郡

漢中府志道縣府志誤

按晉置興以為郡

魏興郡

屬荊州統縣六

晉書地理志

魏文帝以漢中遺民

在東垂者立屬荊州

宋書州郡志

建安二十四年昭烈以

申儀為西城太守儀據降魏文帝改魏興郡治西城

縣故城

水經注

魏置魏興郡晉因之

通考

安帝後僞置南

上洛郡

晉書地理志

西城 黃初二年申儀為魏興太守治西城縣

漢中志

西

城故城即金州西北四里漢江之北西城山東魏興

故城是也

寰宇記按西城今興安州

晉興 晉興縣魏立曰平陽晉太康元年更名

宋書州郡志

晉興屬魏興郡後改為永樂置晉昌郡

雍勝畧按晉興今石泉

晉地理志桓溫平蜀立晉昌郡領長樂寧都吉陽等十縣長樂今石泉寧都今漢陰吉陽今平利餘未詳

在所

安康 漢水東歷教頭魏興安康縣治

水經注

二漢安

陽縣屬漢中漢末省魏復立屬魏興晉武帝太康

元年更名

宋書州郡志

安陽城在漢陰縣西二十里

賈志

按安康即漢安陽縣

錫 漢水東逕魏興郡之錫縣故城北春秋之錫穴地

也故屬漢中

水經注

太康二年魏興郡移理錫縣今豐

利縣界東魏興城是也

案宇記按錫縣在今白河東南

洵陽 金州洵陽後漢省晉復置屬魏興郡

輿地廣記

洵

陽縣後漢省晉太康四年復立

宋書州郡志

上廩

屬上庸郡

晉書地理志上庸郡屬荊州

按

本漢西城縣地晉

於今平利縣南川置上廩縣取上廩水為名

案宇記上

廩城在平利縣東

平利縣舊志

上郡 魏武省上郡朔方五原雲中

晉書地理志

魏省上郡

至晉陷戎狄其後屬赫連勃勃

元和志并州晉地

按上郡屬理志未載

今採衆說補之又貳城三城即苻姚等所置之縣也故並錄之

三城 赫連勃勃以朔方牧鎮三城

晉書地理志

龍昇元年

勃勃攻秦三城以北諸戍

十六國春秋

膚施縣有三城

後魏

地形志

臨河

本漢高奴縣地晉立為臨河縣尋廢

寰宇記

延水

縣北十五里臨河故城是也

元和志

按臨

河在今延川縣

定陽

苻生壽光二年姚襄屯杏城遣姚蘭扇動定陽

羌兵

十六國春秋

杏城

赫連勃勃以秦州鎮杏城

晉書地理志

姚萇置杏城

在中部西

通典

廊城

姚襄屯杏城遣姚蘭扇動廊城羌兵

十六國春秋按廊

城在洛

川東南

洛川

本漢廊縣後秦姚萇於此置洛川縣

元和志

長城

三川縣本漢翟道縣地苻堅時於長城原置長

城縣屬長城郡

元和志按長城縣在廊州西南六十里

貳縣

太元十一年苻纂據杏城貳縣

晉書載記

義熙五年

姚興擊夏王勃勃至貳城

通鑑

貳城當在杏城西北

通鑑

注

按貳城當

在今中部西北

黑城 在臨真縣東二十五里赫連勃勃置寰宇記黑城

在甘泉縣東一百七十里雍勝畧

統萬城 赫連龍昇七年於奢延水之北黑水之南改

築大城名曰統萬城今夏州治也水經注夏州晉為朔

方郡晉亂後赫連勃勃建都於此通典按夏州在今榆林府懷遠縣

界

朔方 姚興以勃勃為安北將軍五原公使鎮朔方十六

國春秋按朔方  
在今懷遠縣北

太城 柔然獻馬於秦濟河至大城勃勃掠取之

十六國春秋

秋

大城縣後漢屬朔方郡魏晉省

通鑑注

按太城在今榆林府北

五原

孝武太元十年劉顯奔五原

通鑑

按鑑注五原本秦郡魏晉廢

代來城

劉衛辰為西單于屯代來城

十六國春秋按代來城

在榆林府北

右魏晉錄州二郡十一縣暨城七十六其於漢三

輔地每多析置魏氏之初漢中魏興得失靡常上

郡朔方棄之荒外晉氏雖都關中不常厥邑渡江



之後遂為劉石符姚迭據矣其潛置郡縣後世因之者亦並附見庶得溯所緣起爾



陝西通志卷三